

الحياة

رواية

سعد عبد الفتاح

E-mail:saad-abdelfattah@yahoo.com

ت. ٠١٢١٣٦٠٠٦

تصميم الغلاف : وليد الفازي

حقوق الطبع محفوظة للمؤلف

مقدمة

الناس فى بلادى جارحون كالصقور
غناؤهم كرجفة الشتاء
فى ذواينة الشجر
وضحكهم يئز كاللهيب فى الحطب
خطاهم تريد أن تسوخ فى التراب
ويقتلون يسرقون ، يشربون يجاشون
ولكنهم بـشـر
وطيبون حين يملكون قبضتى نقود ومؤمنون بالقدر
صلاح عبد الصبور

مقدمة لايد منها

(يحكى أن دابة عثرت فى أرض العراق فأرسلوا بأمرها
لأمير المؤمنين .. فحول القضية إلى الأمم المتحدة) .
سعد عبد الفتاح

كان دوى سيارة الإسعاف ينثر آلافاً من الشباك على أهل القرية فى مضاجعهم فيسحبهم خلف السيارة لاهئين ، وقد تهاقت الأطفال فى الطرقات والأزقة على ضوء السيارة كالفراشات ، والسيارة تلهث ومن خلفها أسراب من الفراشات والغبار والبشر مختركة طرقات القرية الملتوية الضيقة ، واستقرت السيارة بعد طول عناء أمام أحد المنازل وقد تحلق حوله البشر يطوفون وكأنهم حول أحد المقامات ، والمنزل أسمنتى ذو طابقين ومرتفع فى شمم عما حوله من منازل طينية متلاصقة ومزدان مدخله بشجرتى (فيكس) استيقظتا فى فزع من تدافع المتجمعين ، أما المصباح الكهربائى فقد وهن ضوئه من كثرة ما رسم من ظلال للواقفين يتطلعون فى هلع وفضول والمسلطة ألسنتهم .. آذانهم .. أعينهم على الباب المسدود عن آخره بأجساد ازدهمت بها الصالة فبرزت منه ، ومن بين الأجساد المتلاصقة والرؤوس المتطاولة اندفع رجلا إسعاف بملابسهم البيضاء شاقين لهم طريقاً وسط الزحام حتى أوصلهما التدافع إلى سرير فى إحدى الغرف مسجى عليه رجل يرتدى جلباباً أبيضاً وذو جسد نحيل وطويل وبشرة سمراء ووجه تملؤه التجاعيد ملقياً يده بين يدي امرأة تشبهه إلا أن بشرتها بيضاء وعينيها لامعتين تملؤهما دموع لم تجف ولم تجر بعد ويتحدث المسجى ببطء رامياً بعينيهِ المنطفئتين قليلاً فى بريق عيني المسكة بيده والتي تنصت رغم الزحام والضجيج لحديثه الواهن الخافت.

جاء صوت أحد الواقفين ليصمت على أثره الضجيج.

هو ذا المريض يا دكتور .

سأل الطبيب الشاب الذى كان قد وصل لتوه إلى حافة السرير وقد

تصبب العرق من وجهه الطفولى .

مين اللى بلغ عن الحالة ؟

أجابة نفس الصوت

الست دي يا دكتور

قالها مشيرا إلى المسكة بيد المسجى والتي كانت ما تزال تركز بريق

عينيهما في عيني المسجى منصتة إليه وكأن الأمر لا يعنيهما ثم أضاف .

الست دي يا دكتور وقفت قدام بيتها وندهت بأعلى صوتها الحقونى

يا ناس الحقونى يا عالم المصري بيموت .. الحقونى يا خلق المصري

بيموت ، لحد ما اضطريت أروح لها ولما ما قدرتش أهديها اتصلت
بيكم .

قال جملته الأخيرة وكأنه ينفي عن نفسه اتهامها .

أهمله الطبيب أمرا بإخلاء الغرفة التي ما إن خلت حتى بدأت

ملاحمها تطل عليه والتي تضم إلى جانب السرير الخشبي أريكة خشبية

مغطاة بكساء أخضر مزركش وتحتلها العشرات من الكتب ترتكن إلى

حائط تعري من طلائه الجيري الأبيض ويعلوها نافذة أغلقت لتوها في

وجه الأعين المسلطة عليها ويرقد فوق النافذة ساعة هرمة وإلى جوار

الأريكة ثلاث كراسى خيزران تحتل أحد الأركان وفي أرض الغرفة كليم

بني واسع مهتريء وممزق من وسطه وتقف بأحد الأركان منتصدة من دورين
يسكن دورها العلوي تلفزيون موديل السبعينات ويسكن الدور السفلي
راديو عجوز ويتدلى من سقف الغرفة المتساقط ثلاثه مصباح كهربائي
وعنكبوت تدلي حتى آخر خيطه ووقف متحديا الأمر بإخلاء الغرفة
ليرقب ما يحدث.

اقترب الطبيب وجلس علي حافة السرير وأمسك بإحدى يدي المسجي
وتحدث بينما عيناه مركزتان علي ساعته موجهة حديثه إلي المسكة بيد
المسجي الأخرى وقال كمن يحدث نفسه.

- هو ماله يا ست ؟

لم يسمع غير صوت الصمت فرفع عينيه وفي نظرة سريعة خاطفة
سألها رافعا صوته.

- هو ماله يا ست ؟

جاء صوتها وقورا وجالا خافتا

- زي ما أنت شابف.

قالتها ولم ترفع عينيه عن عيني المسجي تحتها

- نبضه معقول

قالها الطبيب ثم أشار إلي المسعف الضخم الذي بدا في تلك اللحظة
أن فكره كان يسعى خارج نطاق الحدث مما جعل الطبيب يرفع صوته حتى
لا يضطر للتكرار.

- هات جهاز الضغط.
ونظر إليها وأعاد حديثه
- نبضه معقول ومفيش مشكلة في القلب
وتناول جهاز الضغط وعري المسعف ذراع المسجي المعروقة والتي
شاب بعض شعرها الكثيف ووجه الطبيب حديثه إلي نفسه مرة أخرى.
- نقيس الضغط
ولف قماشة الجهاز علي يد المسجي ووضع السماعة في أذنه ثم
وضعها تحت القماشة وبدأ في الضغط علي بالونة الجهاز بشدة ثم خفت
ضغوطاته وتوقفت ، زفر جهاز الضغط والجالسة أنفاسهما المحتقنة ورفع
الطبيب عينيه عن عداد القراءة .
- ضغطه كمان معقول امال ماله ؟
وبدأ في رفع الجلباب عن ساقى المسجي وتحسس بطنه ودق علي
جنباتها ثم صعدت يده بالسماعة علي صدره ووجه حديثه إلي المسجي
الذي كان مازال يتحدث.
- بطل كلام عاوز أشوف صدرك
ونقل السماعة إلى أسفل ونظر إليه شزرا
- بقولك بطل كلام
ثم رفع السماعة عن صدره وقال في نبرة تهديد وهو يضغط علي
الحروف وكأنه ينحتها

- بطل كلام

ولما كان المسجي مازال غارقا في بريق عيني المسكة بيده مواصلا
حديثه فإن الطبيب لم يكن أمامه بد من أن يوجه سؤاله إليها
- هو يسمع ؟
- ايوه

قالتها ومازالت عيناها في عيني المسجي
- امال ما بيسكتش ليه ؟
سأل الطبيب محتدا
وأجابته بدون أن تنظر إليه

- أصله ما بيتكلمش مع أي حد غير إذا اطمأن له
أذهلته إجابتها ودفعته إلى حافة الانفجار حتى أن عينيه البريثتين
السمراوين قد احتقنتا بالأحمرار بينما شفتيه الحمراوين قد بدأتا في
ارتعاشة لا إرادية فأسفرتا عن صف من الأسنان الدقيقة اللامعة إلا أنه
تمالك نفسه وأمرها بصبر كاد يفرغ.

- قلولي له يا ست يبطل كلام
اقتربت بشفتيها المزمومتين من أذن المسجي ونادته في حنو وخفوت
وقد الصقت شفتيها بأذنه

- مصري .. مصري بطل كلام
صمت مصري فأخلي صمته الغرفة للضحكة التي انطلقت من تحت

الشارب الكثر للمسعف الضخم والتي أفلحت النظرة الغاضبة من الطبيب الشاب في جعلها تنسحب مخلفة وراءها ابتسامة جعلت وجهه الضخم بعينييه الغائرتين أكثر قبحا ، وضع الطبيب الساعة علي صدر المسجي في عجل محاولا إنهاء الموقف الغريب الذي لم يتوقعه ، ورفع الساعة عن صدره وخلعها من أذنيه ، ووضعها في جهاز الضغط ثم مده إلي المسعف الذي لم تذب ابتسامته بعد ، ونظر إلي المسكة بيد المسجي وقال منهايا مهمته في تجهيم طفولي.

. صدره كمان كويس امال إتصلتي بينا ليه ؟ هو إزعاج علي الفاضي ؟ هو إحنا فاضيين عشان تزعجينا بالشكل ده علي ما فيش ؟ رفعت عينيها عن المسجي وما إن نظرت إليه بعينيها التي قلمتوها الدموع حتى أحس بشعاع ينفذ من عينيها إلي قلبه مباشرة فعادت البراءة ممتزجة بالركة إلي وجهه . يا ست أنا شايف إن كل حاجة تمام وإنه ما بيتوجعش وضغطه كويس ونبضه كويس وصدره كويس وكمان بيتكلم معاكي وماسك إيدك . قال جملته الأخيرة وقد ارتسمت علي وجهه ابتسامة حانية ، ابتسامة تعتذر عن تجهيمه وغضبه.

قالت وما زالت عيناها مثبتتان علي وجهه . يا بنى أنا عارفة إن جسمه كويس وصحته كويسة .. هو طول عمره صحته كويسة يمرض لكن يقوم وصحته كويسة ، يتصاب لكن يقوم

وصحته كويسة ، ينكسر لكن يتجبر ويقوم وصحته كويسة ، عمر المرض
ما تعب صحته ، ولا الفقر تعب صحته ولا الشقا تعب صحته لكن يا
بني ..

وهربت دمة سجت طويلا في عينيها

. لكن ايه يا حاجة ؟

سأل الطبيب

وأجابته بصوت متهدج

. لكن يا بني .. المرة دي حاجة تانية ، تعب شكل تاني ، تعب يخوف

، تعب خلاني أحس إنه ها يروح مني ، وأنا يا بني مالمش غيره ما
اعرفش أعيش من غيره.

كانت الدموع التي حبست طويلا في عينيها قد وجدت لنفسها مجري
علي خديها ومصبات في قلب الطبيب الشاب والمسعفين حتى أن أحدهما
وهو أصغرهما سنا وحجما ريت علي كتفها بيده النحيلة قائلا.

. يا خالة وحدي الله ، خير إن شاء الله ، قوللي للدكتور بس هو عنده

ليه ولا بيحس بليه ، أو بيشتكلي من ليه ، اشرحلي له بس الحالة وهو إن
شاء الله ربنا يجيب الشفا علي إيديه.

أنهي حديثه ونظر بإشفاق إلي المسجي الذي كانت عيناه قد علقت
بالعنكيوت الرابض بين السماء والأرض ، أما المسعف الآخر فقد أحضر
أحد الكراسي الخيزران الثلاث بعد أن أفرغ ما عليه من كتب ووضع

تحت قدم الطبيب الذي ما إن رأي الكرسي حتي ألقى عليه بجسده
البدن قليلا ونظر بإشفاق إليها بينما يده تخرج دفتر أوراقه وقلمه.

- اسمه ؟

- المصري أصيل عبدالوارث .

- سنه /

- تعبت من العد يا بني

- عمله ؟

- دلوقتي ولا قبل كدا ؟

- دلوقتي وقبل كدا ؟

- هو طول عمره بيشتغل .. اشتغل صبي في ورشه وطالب لحد ما

تعب وظابط في الجيش في اليمن وفي سينا البر الغربي والبر الشرقي

ومدرس وفلاح في نفس الوقت وموظف في السودان وبعدين بقي ناظر

وبيشتغل دلوقتي بيقرا.

سألها الطبيب متعجبا

- بيشتغل بيقرا

ايوه يا بني كان بيصلي الفجر وعلي ميعاد الشغل يلبس ويقعد علي

الكرسي وقدامه الترابيزة ويقعد يقرأ لحد ميعاد الشغل ما كان بيخلص

وبعدين يقوم يتغذي وينام ويرجع يصحي ويقعد يذاكر زي ما كان بيذاكر

وهو طالب لحد بعد العشاء وينام لحد الفجر.

بدا أن حالة من الرثاء هي التي دفعت المسعف النحيل لقطع حديثها .
- هو أنتم مالكوش عيال يا حاجة ؟
أجابته وقد ذهبت عينها إلى مكان مجهول عبر النافذة المغلقة
- ليئا يا بني .. ولد متعلم قوي .. وذكي قوي .. ومتدين قوي ..
وحليم قوي .. وحر قوي .. وحازم قوي .. وشريف .. وطاهر قوي ..
كان المسعف الضخم كطفل يسأل عن رؤيا العيد
- آمال هو فين يا حاجة ؟
أجابته كمن ينتظر عزيزاً عليه طال غيابه ليعتب عليه
- زمانه جي .. زمانه جي يا بني .. زمانه جي
وقطع الطبيب حالة الحلم التي سيطرت على الجميع
- ايه اللي حصل للأستاذ مصري وخلاه كذا ؟
أخرجها سؤاله من حالة الحلم وأجابته
- قاعدين يا بني بنتعشي وبيتفرج علي النشرة لقي الجماعة الأمريكان
في العراق قام منفوض وقعد يعيط ويقول هارون مات والدور علي أنا
ومعاوية.
سأل الطبيب مذهولاً
- هارون من ؟
أجابته وكأنها تسأله .
- ما اعرفش يا بني !

وعاود سؤالها

- ومعاوية مين ؟

وعاودت امتحانه

- ما اعرفش يا بني !

تابع كمن يهرب من امتحانها

- المهم وبعدين ؟

أجابته بينما عيناها تتحسس جسد المسجي في حنو

- اترمي علي السرير واترعرش كإنه محموم وقال دثريني

ردد الذعر علي لسان الطبيب صدي الجملة

- قال دثريني ؟!

أضافت

- قال دثريني وزمليني.

وعاد الصدى أكثر قوة

- قال دثريني وزمليني ؟!

قالت وقد أغضبها ذعره

- ايوه يا بني والله قال دثريني وزمليني

حاول الهرب من ذعره

- المهم وبعدين ؟

عادت عيناها تتحسس جسد المسجي

- زي ما أنت شايفه كدا
جذبتة عيناها إلی المسجي
- ماله يعني ؟
أجابته وكأنها تستغيثه
- لا بينام ولا بيقوم ولا بيفوق
قال محتجا
- بس أنا سمعته بيتكلم
أيدت كلامه
- بيتكلم يا بني لكن بيقول كلام غريب كلام فاهما ومش فاهما كلام
عارفا ومش عارفا..
حاول الفهم .
- يعني ايه ؟
بدا أنها لم يعد لديها المزيد فقالت
- اسأله يا بني وأنت تعرف ويمكن تفهم
علم أنها لم يعد لديها المزيد فسألها منها حديثه
- الحالة دي من إمتي ؟
أجابت وكأنها تعد الأيام
- من كام يوم يا بني
قال وكأنه يعاتبها

- وما بلفتيش عن الحالة من يومها ليه ؟
أجابت وكأنها تعتذر
- يا بني أنا قلت حاجة بسيطة وهايقيم لكن لقيته بيقول كلام عن
عالم غريب وناس غريبة كلام حسسني إنه ..
قالت جملتها الأخيرة وشت قدرتها علي انتشال الكلمات من بئر
دموعها فتوقفت.

قال الطبيب برقة

- هدي نفسك يا حاجة ، خير إن شاء الله ، واضح إنه بيعاني من
أزمة نفسية أو صدمة عصبية ، لكن أنت متأكدة إن الحالة دي ما
جتلوش قبل كذا ؟

ولما أجابه صحتها واصل حديثه

- طب يا حاجة أنا ها حاول أكلمه وهاعمل كل اللي ربنا يقدرني
عليه.

وأخرج مندبله ليقاوم قلته وقلة خبرته وهجوم العرق علي وجهه فقد
كان لهائه أثناء الحوار ولهات أذان المسعفين وأعينهم المتابعة للحوار قد
جعل الغرفة أكثر حرارة ولزوجة حتى أن العنكبوت المعلق بدأ يتأرجح
بحثا عن نسمة هواء في ليلة الصيف الشديدة الحرارة والرطوبة والتي
زاد من حرارتها إغلاق منافذ الحجر في أوجه الطائفين خارجها والتي
كانت تشي جلبتهم بأنهم مازالوا يطوفون فأطل المسعف النحيل بعينه

المجاذبتين من النافذة وصرخ فيهم.

- كل واحد يروح لحاله .. بلاش الغاغة اللي أنتم عاملينها دي ..

الراجل بقي كويس مش عاوزين لمة علي الفاضي.

كانت السياط التي ألهبتهم بها كلماته قد جعلتهم يتفرقون علي

الفور تاركين لشجرتي (الفيكس) فرصة للراحة ، ولما اطمأن أنهم

غادروا ترك النافذة مفتوحة وعاد ليلزم مكانه ولتذهب عيناه إلي الطبيب

ترجواه البدء في مهمة علاج المسجي الذي أحس برباط خفي يربطه به.

كانت الخطوات التي قطعها الطبيب الشاب لينتقل إلي الناحية

الأخري من السرير وكأنها أميال من القلق والتوتر والإحساس بالانهزام

قبل أن يبدأ ، وقطع في هذه الخطوات سنوات سبعة قضاها في كلية

الطب وخرج بعدها محملاً بشهادة بتقدير جيد جداً ومعلومات في الطب

النفسي ظل يبحث عنها حتى أفسحت له السيدة ليجلس مكانها في

ممرمي عيني المسجي وتناول يد المسجي وضمها بين يديه وبدأ حديثه بعد

أن وجد ما كان يبحث عنه .

- مايه يا عم مصري .. مالك ؟

قالها رقيقة وقد ضغط يد المسجي بين يديه ، انتظرت عيناه الإجابة

التي لم تأت فواصل حديثه.

- يا أستاذ مصري أنا عاوز أدردش معاك شوية .. إيه اللي أنت

شوفته في النشرة ومزعلك قوي كدا ؟

ولما لم تأت إجابة من عيني المسجي لجأت عيناه إلي الجالسة في
الناحية الأخرى من السرير لتطلب معونتها والتي أوسأت له برأسها
لتشجعه علي الاستمرار ، فواصل حديثه.

. يا عم مصري أنا سايب الدنيا كلها وجاي عشان خاطرك ..
اعتبرني إبنك وقول لي إيه اللي مزعلك ؟

واستقرت عينا المسجي أخيرا على وجهه فتشجع وواصل حديثه
. عشان خاطر الحاجة اللي تعبانة معاك دي.

ورفع عينيه وفي نظرة عطشي ارتشفت عيناه بعضا من الحنان من
عيني الجالسة ثم ارتدت مفعمة بالحنان إلي عيني المسجي وواصل.

. فهمني إيه اللي حصل ؟

جاءت إجابة المسجي مغلفة بنظرات من التشكك

. إنك لن تستطيع معي فهما

ثم واصل تشككه

. وكيف تفهم ما لم تُحط به علما ؟

وصمت المسجي فقفزت إلي ذهن الطبيب الشاب كل دروس العربية
التي كانت قد سكنت جزءا مهجورا من عقله اللاواعي فوجد الكلمات
تنساب من شفتيه.

. ستجدني إن شاء الله فاهما ولن يعصى على فكرك

أسعدت قدرة الطبيب علي التواصل الجالسة والمسعفين وشجعت

المسجي فواصل حديثه مشترطا .

- فإن حدثتك فلا تسألني عن شي ، حتى أحدث لك منه ذكرا

كان الشرط قد جعل الجالسة والمسعفين يتعلقون بالطبيب يرجونه أن

يوافق فوافق علي الفور سائلا

- إيه اللي مزعلك ؟

أجاب المسجي

- الحُبة .

سأل الطبيب مدهولا

- الحُبة ؟!

فأشاح المسجي قائلا

- ألم أقل إنك لن تستطيع معي فهما ؟

انتفضت يدا المسعف النحيل إحباطاً وفلتت من شفتيه

- ياه دا حنا ما صدقنا

عالج الطبيب الموقف سريعا وقال وقد ذابت كلماته اعتذارا

- لا تؤاخذني بما نسيت ولا ترهقني من أمري عسرا .. ولكن افهمني

من هم الحُبة وما هي حكايتهم ؟

عاد وجه المسجي وقد تخمر بغلالة من الهدوء وبدأ حديثه الخافت

وكأنه يسر إلي الطبيب سرا حتى أن خفوت صوته سحب أذن المسعف

النحيل إلي حافة السرير ، وبدأ المسجي حديثه

.. كانت بلدتنا هذه يا ولدي تنبت من بؤرة تشككتها الستة السابعة
بمقامها وهيبته... وغموضها .. ونذورها ... وخرافاتنا .. ومولدها..
وأذرعها الممتدة في كل الاتجاهات والتي ينبت علي جانبيها بنايات
طينية منخفضة متلاصقة حتى بدا المقام الشامخ وكأنه جذر نبات خرافي
ضخم تزحف أفرعه الرمادية الجافة لتشكّل قريتنا ، ولما رأي أهل القرية
أن بيت الله المجاور للست السابعة يبدو فقيرا .. مهزوما .. هرما ..
قرما بجوار مقامها الضخم فإنهم بعد أن انتصرت إرادة المتقين منهم
علي إحباط وتخاؤل المناققين قرروا أن يعيدوا بناء بيت الله ليكون أعلي
وأضخم وأعظم من مقام السابعة التي حذفوا لقبها خلال فترة تجديذ
المسجد نكاية في مقامها ، وقد تجمع لهذه المهمة معظم أهل القرية
جاءوا بمعاولهم وفؤوسهم وجراهم وإيمانهم لبدءوا المهمة المقدسة ، وما
كادوا يبدؤون الهدم من الحائط الملاصق للمقام حتى أنهار الحائط وكأنه
كان في انتظارهم ، ولما كان يجب أن يظهروا أساسات المسجد ليبينوا
عليها فإنهم رفعوا الركام والشيخ ذو اللحية البيضاء يجوب خلالهم بيت
فيهم الحماس، وما كادوا يحفرون موضع الحائط وقبل أن يسيل لعاب
إجهادهم حتى ارتطمت فأس أحدهم بشيء، أن أنه معدنية فتجمعت قلوب
أهل القرية لهذه الأثّة وانغرست أعينهم في الفأس التي لم يرفعها
صاحبها وقد زغرد قلبه وتراقصت الأحلام بعقله ، ودار بينهم حوار بلا
كلمات حوار بين أحلامهم وطموحهم ثم تطور الحوار إلي صراع بدأت

علي إثره الفؤوس كلها في نبش الحفرة وقد نسوا المهمة المقدسة حتي
بدأت ملامح صندوق مصفح تثبت من باطن الحفرة فاحتدم الصراع بينهم
حتى أن صاحب الفأس الأولى علا صراخه وارغمي علي الصندوق فجأة
وصرخ جاثراً أنا اللي لقيته دا بتاعي أنا اللي لقيته..

كررها كثيراً في صراخ هستيري
فأجابه صوت مسعور وقد رفع الفأس فوقه
- البيت بيت رينا ورينا بتاعنا كلنا وإن ما قمتش من فوق الصندوق
ها أقطع رأسك بالفأس.

وتعالت الأصوات المسعورة مشهرة فؤوسها
- قوم وإلا هانفوتك
وقال الشيخ ذو اللحية البيضاء
- قوم يا دنيوي .. يا منافق .. يا ابن الكلب
أجابهم وقد استمات بجسده ويديه علي الصندوق
- دا بتاعي .. دا بتاعي .. السابعة قالت لي علي مكانه ، السابعة
زارتني وقالت لي علي مكانه ، السابعة قالت لي دا بتاعي لوحدي.
ورد الشيخ ذو اللحية البيضاء

- سابعة إيه يا كافر البيت بيت الله والمال مال الله وكلنا عبيد الله.
وبدا أن الكلمات وإن كانت مسعورة لم تعد ترهبه وتلاقت نظرات المشهرة
فؤوسهم وتبادلت الحلول وجنحوا للسلم فحملوه بعد جهد جهيد انتزعوه

من فوق أحلامه وصراخه يملأ الفضاء دموعه تملأ صدره وطرحوه أرضاً
وجثم فوق صدره وجلان.

وتقدمت الأحلام تحفر حول الصندوق حتى ظهر جلياً أمام الأعين وقد
صفح بالكامل وعلق علي أحد أجنابه قفل ضخم أكل الصدأ جسده
وتقدمت كل الأيدي لحمله فبدا خفيفاً ووضع فوق ملابسهم المكدمة بأحد
الأركان ووقف الجميع ينظرون إليه وقد اتسعت حدقاتهم وتسمرت
أقدامهم لا يدرون ما هم فاعلمون حتى تقدم كبيرهم وتحسس الصندوق
وكأنه يمس علي أحد الأولياء ثم هزه فاهتزت لهزه كل القلوب وقد نما
إلي أسماعهم صوت ارتظام شيء ما بأركانه.

وطلب الشيخ أن ينتقوا من بينهم نقاة يتكلفون بفتح الصندوق بمكان
مغلق إذ أنه لا يؤمن أن يفتح صندوق كهذا في عرض الطريق ، ولما زام
أهل القرية رافضين التراجع عن فتح الصندوق علي رؤوس الأشهاد طلب
منهم الشيخ أن يتقوا الله ويقرأوا الفاتحة والمعوذتين والواقعة قبل أن
يفتحوه ، وأجابته ألسنتهم وأيديهم المرفوعة للسماء واستغل الشيخ
الفرصة وعلي التو وقبل أن ينتهوا من قراءة ما تيسر مما طلبه رفع صوته
ويديه إلي السماء قائلاً

يا أهل القرية إن أغلب الظن أن في هذا الصندوق مال وإلا ما كان
صاحبه قد اهتم بدفنه في صندوق مصفح حتي لا تأكله الأرضة أو يعيث
به العابثون وإن تحقق ما نظنه ونرجوه فأعلموا أن الله يعلم أنكم فقراء

وهو خير الرازقين والله يعلم أن ما جمعتموه من مال لبناء المسجد لن يكفي ليعلو المسجد عن المقام لذلك أرسل لكم هذا الصندوق لتبنوا المسجد بما فيه ولما لمحت عيناه استنكار أهل القرية وشكوكهم فيه أضاف.

- والباقي حالاً لكم يوزع عليكم للذكر مثل حظ الأنثيين كما علمنا الله ، وإن كنتم توافقون على ذلك فلتتوضأ ونصلي ركعتي شكر لله خير الرازقين ثم نفتح الصندوق علي بركة الله.

وتوضأ الجميع علي عجل والأمال تدغدغهم وأعينهم منصبة علي الصندوق واصطفوا خلف الشيخ والصندوق وأطال الشيخ في قيامه وركوعه وأطال أكثر في سجوده وأعين الصف الأول منصبة علي الصندوق وتناولت الرؤوس من الصفوف الخلفية لتطمئن أنه مازال مكانه وبمجرد أن سلم الشيخ عن يمينه تحلقوا حول الصندوق وتقدمت فأس بيد ضخمة وأطاحت بالقفل ولهت الأنفاس وصمت الأصوات وزاغت الأبصار وبلغت القلوب الحناجر وبدأ الشيخ في إزاحة غطاء الصندوق. وهو يبسم ويحوّل في تبتل ورُقِعَ الغطاء فذهل الجميع وبعد لحظات علا صوت أحدهم.

- يا هوه كل دا عشان شوية ورق .. هيه ناقصة ورق .. ؟!
وركعتين شكر ، وكمان خناقة .. وواحد كان هايموت .. عشان شوية ورق ! الله يخرب بيت اللي حطه .. وصندوق مصفح وقفل قد الداهية ..

ونص يوم راح عشان شوية ورق ! الله يخرب بيته وبيت أبوه.
- كان الصندوق يحتوي علي مجموعة من الأوراق الصفراء كبيرة
الحجم مرصوفة فوق بعضها البعض ككتاب .
إلا أن الكنز الذي كان سيفوز منه بنصيب الأسد أنطق الحكمة علي
لسان كبيرهم فالحكمة ليست دائماً من أفواه الصالحين.
- اخرس ياوله لما نشوف ايه اللي في الورق الأول مش يمكن يكون فيه
وقف لبيت الله أو لأهل البلد .
أعادت كلمات الكبير ماكينه الأحلام إلي الدوران والأنفاس إلي
اللهات ثم واصل حديثه موجهه إلي الشيخ.

- اقرأ يا مولانا

- ما أنا بقاريء يا سيدنا

- اقرأ يا مولانا

- ما أنا بقارئ يا سيدنا

- اقرأ يا مولانا

- يا هوه ما أنا قلت ما أنا بقارئ يا سيدنا

كان الطمع والرغبة المحمومة من الكبير لمعرفة ما يحويه الورق قد
أنسته أن الشيخ تعلم القرآن شفاة وأنه لايجيد القراءة ، وأرسلت
الأبصار تبحث عن من يمكنه القراءة ولما ارتد البصر خاسئا وهو حسير
تذكر أبي أنني أجيد القراءة وتذكر أيضاً أنه صحبني معه منذ الصباح
لأتبارك بالمشاركة في هذه المهمة المقدسة ، وأحس أبي أنه ضمن نصيبا

من الوقف وضمن مكانا في الصدارة طالما أن ابنه من سيقراً الأوراق
ونادي أبي بسعادة لم أحسها في صوته من قبل.

- يا واد يا مصري .. يا واد يا مصري .. يا واد يا مصري

كانت السعادة في صوت أبي غير كافيه لإنزالي من فوق الشجرة
التي ألجأني إليها صراهم علي الكنز المزعوم إلا أن تعالي الأصوات
مرددة نداء أبي.

- يا مصري .. يا مصري .. يا مصري.

قد جعل الطيور التي اختبأت هي الأخرى بين غصون الشجرة تفر
هاربة مما لفت النظر إلي ، وجذبتني نظرة أبي الآمرة من فوق الشجرة إلي
جوار الصندوق وجسدي كله يرتعش كفرخ نسي تحت المطر في ليل
الشتاء ، وتناولت الورقة التي تأملها الجميع وحاول الكبير استنطاقها فلم
تنطق ، الخط الواضح الجميل الذي كتبت به الورقة أشعرنى بالهدوء فلم
يكن بالورقة سوي زخرفة تشبه زخرفة المصحف الذي رأيته يوما بين يدي
الشيخ عبدالموجود الذي لم يكن موجودا لدراسته بالأزهر وكان في وسط
الورقة بضع كلمات نقشت بخط كبير وكان بها

الحياة

كتبه المنتصب واقفا فلان بن فلان

وأعطيت الورقة للكبير الذي ذهل من سرعة رد الورقة إليه وقلة
الكلمات بها فسألني متشككا

.. بس كذا ؟

فأجبتة مدافعا عن نفسي

.. هو ذا اللي فيها

فزأمت وناولني الورقة التالية بعد أن استنطقها فلم تنطق فكان بها

مقدمة

لا أدري هل يصل كتابي هذا إلي الأيدي وقد أصبح الحُبة تاريخاً أم يصل إلي الأيدي وما زال الحُبة يحكمون ، علي العموم الفبصل في هذا لمن يقرأون هذا الكتاب فلهم وحدهم أن يحددوا إن كان الحُبة قد أصبحوا تاريخاً أم لا ، ولقد وصفت في كتابي هذا كيف بدأ الحُبة وكيف كانوا يحكمون وكيف كانت أحوال الناس حتى لا يزيغ التاريخ فلکم زيف الحُبة التاريخ جيلاً بعد جيل وكتبوه من إملاءات حكامهم.

المنتصب واقفا فلان بن فلان

كانت المقدمة قد طردت كل الأحلام التي سكنت عقول أهل القرية وهدمت كل البيوت التي بنيت والأراضي التي اشترت والديون التي سددت .. ورفعت رأسي إلي الكبير انتظر أمره ، وقد كانت فكرة الوقف قد تملكك من الكبير واحتلت كل كيانه فأعطاني ورقة أخرى قائلا:

.. اقرأ لحد آخر ورقة يمكن يكون فيه وقف في أي ورقة
أسعدتني رغبة الكبير في أن أقرأ كل الأوراق التي يحتويها الصندوق
فلقد كان التفاف الناس حولي وتمركزي في بؤرة الظل التي كونتها

أجسادهم المتحلقة حولي قد أنقذني من لهيب الشمس الحارق الذي ألهب كل الواقفين وجعلهم يحتمون بملابسهم برفعها علي رؤوسهم مما أشعرتني أنني في زمن كانت العمامة فيه هي السائدة وبدأت القراءة علي الفور.

مقدمة لابد منها

« كانت ولايتنا هذه لمن لا يعرف جزءا من إمبراطورية ضخمة تتكون من إثنين وعشرين ولاية ، وكانت الإمبراطورية بخيرها الوفير وعلمها وعلمائها وحكمائها ومفكريها وشعرائها وأدبائها وتقاليدها ودينها وطيبة أهلها ونشاطهم تقود الدنيا ، وقد توارثها حكام عظام حتى أوقعها سوء حظها في حاكم كان لا يملك القدرة والبصيرة والحكمة لقيادتها بالعدل فقادها بيد من حديد ، وتجمع حوله مستشارو السوء فعلمت المشائق وسيق الناس إلي السجون زمرا وخرست الأصوات وتعالت صيحات النفاق وساءت حالة البلاد والعباد ، ولم يكن الحاكم يحس بالآلام الناس وقد كان يجمع الأموال فيكنزها وقد طال حكمه حتى عم الغلاء وحط علي الناس البلاء وباع الضعفاء نفوسهم والشرفاء بعض أجسادهم. أنهيت الورقة وشيعتها العيون المحيطة وأنا أناولها للكبير، وإن كانت المقدمة التي لابد منها كما رأي فلان ابن فلان قد جعلت المتحلقين حولي أكثر إحباطا إلا أنها لم تكن كافية لتقضى على أملهم الذي غرسه فيهم الكبير بأن يكون في الأوراق وقف. أما الكبير فلقد ألقت عليه المقدمة هما ثقيلًا وأضمرت بداخله نيران

هواجس وشكوك لم يكن لأحد من المتحلقين حولي أن يخس ضراوتها .
فلقد دريته الأيام أن ذكر الحكام بسوء - وخصوصا أن الأوراق لم
تحدد زمنا - يثير المتاعب وقد أصبحت الأوراق هما ثقيلًا علي فكره فهو
إن سلمها للجهات الحكومية فلن تدعه الجهات الأمنية يذهب لحاله دون
أن يعلموا من وضع هذا الكتاب ومن هو فلان بن فلان مؤلفه حتى وإن
أقسم لهم واستشهد بأهل القرية أنهم وجدوه مدفونًا وأنهم لا يعلمون من
هو فلان بن فلان هذا وأنهم حتى لا يعلمون من بني المسجد القديم فلن
يصدقوه ، وهو إن أخذ الأوراق ولم يسلمها فربما يشي به أحد خصومه
وهم كثير فيصبح الهم همين وهبطت علي رأسه فكرة أطفأت نيران
هواجسه وهي أن يحرق الأوراق والصندوق فيريح ويستريح إلا أنه تذكر
أن أهل القرية الذين استعمرتهم فكرة الوقف اللعين التي غرسها فيهم
بطمعه وغيبائه لن يدعوه يحرق الأوراق دون أن يتأكدوا أنه لا يوجد بها
وقف إذن ليترك هؤلاء يسمعون ما تحتويه الأوراق حتي إذا تبخرت فكرة
الوقف تبخرت معها أحلامهم وعندها يمكنه حرق الأوراق بل أنهم من
سيطلب ذلك من تلقاء أنفسهم ، ولما اطمأن إلي هذا الحل طفت ابتسامة
علي صفحة وجهه المكتنز الضخم المشرب بالاحمرار واعتدل في جلسته
إلي جوارِي واتكأ بإحدى يديه علي عصاه وتناولني ورقة باليد الأخرى
دون أن يستنطقها وقال
- اقرأ يا مصري ، اقرأ يا بني ربنا يكرمك .

ولم يكن يؤرق الإمبراطور سوي أنه لم يرزق بورث للملكه أو ورثه لعرشه وقد زاد أرقه بعدما أقنعه مستشاروه أنه كلما تقدم به العمر فإن الضعف سيتملك منه وعندئذ لا يؤمن شر الغوغاء وطمع ضعفاء النفوس في ملكه وقد يفلت الزمام ويصل إلي الحكم من لا يؤمن شره ولا يدري ما يفعل حينئذ بمولانا الإمبراطور ورجاله المخلصين له وللإمبراطورية ثم إن مولانا الإمبراطور لا يضمن ولا يمكن أن يضمن أن من سيتولى الحكم من بعده سيحافظ علي إنجازاته ولن يلقي بالإمبراطورية في .. أتون حروب واجبة .. ليست الإمبراطورية معدة لها بعد ، ثم إن مولانا الإمبراطور لا يمكن أن يجد من يحافظ علي شرع الله مثله ومن يملك حكمته وبعد نظره أما إذا كان من سيحكم بعده ابنه فإنه سيكون قد دربه وأهله وعلمه لتولي هذه المسؤولية الضخمة وليتقود سيفينة الأمة إلي بر الأمان كما قادها ويقودها مولانا الإمبراطور ، ومن أولي بالملك من شاب نشأ في بيت ملك ؟

وهكذا طلب الإمبراطور من مستشاريه ووزرائه البحث له عن علاج ناجع مهما تكلف الأمر .. وعقد رئيس الوزراء اجتماعا وزاريا طارئا وقال وزير المالية .
- إن علاج مولانا الإمبراطور من عقمه وإنجاب له ملك جديد واجب قومي

ويجب أن ينفق علي هذا العمل من الخزانة العامة لأنه في صالح الأمة.
وأيده كل الوزراء والمستشارين وتحدث رئيس الوزراء منفعلا
- إن وزير المالية تطرق إلي جانب واحد من الموضوع وهو أمر مفروغ
منه إذ أن علاج مولانا الإمبراطور وفي كل الأحوال يجب أن يكون من
الخزانة العامة فما بالك إن كان علاج مولانا يتعلق بمصير هذه الأمة
ومستقبلها ، ولكن الموضوع يجب أن يتم تناوله بشكل إستراتيجي
ويخطط طويلة المدى وخطط متوسطة المدى وخطط عاجلة ويجب أن
يكون لكل وزارة دور في هذه المهمة القومية.

وتناول وزير الخارجية طرف الحديث
- إن دور وزارة الخارجية الهام في الموضوع يتمثل في بذل قصارى
جهدها من خلال سفاراتنا وقنصلياتنا ومكاتبنا في الخارج في البحث عن
العلاج في كافة أقطار المعمورة.

وامتدحه رئيس الوزراء مما أغاظ وزير الصحة فاندفع قائلا
- إن دور وزارة الخارجية سيظل قاصرا وغير مجد ما لم يحدث تعاون
بين وزارة الصحة ووزارة الخارجية إذ أن وزارة الصحة لن يقتصر دورها
علي محاولة البحث عن علاج محلي بل أنها ستترسل خيرة خبراء العقم
لديها ليرأسوا عملية البحث الجارية عن علاج خارجي عن طريق وزارة
الخارجية.

وهلل رئيس الوزراء لهذا الطرح مما جعل وزير الاقتصاد ووزير المالية

يتحدثان بصوت واحد.

- إن الدعم المالى المطلوب لهذه المهمة القومية سوف يكون الشغل الشاغل لوزارتينا وسوف ندبر ما يلزم من أموال مهما تكلف الأمر. وشكرهما رئيس الوزراء فتدخل علي الفور وزير الإعلام.

- يا سيادة رئيس الوزراء إن هذه المهمة القومية هي المهمة الأساسية بل الوحيدة من الآن فصاعدا لجميع أجهزة الإعلام المقروءة والمسموعة والمرئية.

وامتدح رئيس الوزراء هذه الرؤية الرائعة لوزير الإعلام وأمر باقي الوزراء بالبحث عن كل ما يمكنهم عمله للمساعدة في هذه المهمة القومية، والتي أضاف كبير الدعاة أنها ليست مهمة قومية فقط بل أنها مهمة قومية مقدسة .. وانتهى الاجتماع بأن طرح رئيس الوزراء اقتراحا قوبل بالتصفيق الحاد علي الفور وهو (إنه ولما كانت هذه المهمة القومية المقدسة تستهدف صالح هذه الأمة فإنه لايجب منع الشعب من المساهمة فيها وبالتالي نقترح فتح باب التبرع أمام كافة المواطنين لندع لهم الفرصة ليثبتوا مدي ولائهم وانتمايتهم لهذه الإمبراطورية ولمولانا الإمبراطور المعظم).

بمجرد أن انتهيت من قراءة الورقة وقبل أن تصل إلي يد الكبير شق الصمت صوت أجش صارخا.

- أنت بتاع الغلاية يارب .. أنت بتاع الغلاية يارب.

ورد الكبير

- أخرس ياوله أمال كانوا يسيبوا جلالة الإمبراطور من غير ولاد دا

حتى يبقى حرام.

وقال الشيخ ذو اللحية البيضاء

- قال رسول الله صلى الله عليه وسلم «اطلبوا العلاج ولو في

الصين».

- صحيح الحديث الشريف الذي حرفه الشيخ (اطلبوا العلم ولو في

الصين) -

وتعالت الأصوات مرودة

- صلى الله عليه وسلم .

- عليك الصلاة يا نبي

- اللهم صلي وبارك عليه

وقال صاحب الفأس الأولي

- الصلاة والسلام علي جد السابعة وأبو الطاهرة.

وقطع تبتلهم صاحب الصوت الأجش

- طب كانوا عاجزو فرج اللي راقد في داره ويطنه قدامه شبيرين

ولاحيلته مال ولا عيال.

وانفعل الكبير

- يا بهيم هم مالهم ومال فرج إش دخل فرج في مولانا الإمبراطور

وبعدين دي حكاية عن ناس تانيه .. دي حكاية عن ناس تانيه .. دي حكاية عن ناس تانيه .

كرر الكبير جملته الأخيرة وهو يهز الورقة ويمدها في وجوههم ليعبد أي محاولة قد تطرأ علي ذهن أحد للربط بين المكتوب بالأوراق والمكتوب علي جبين المتحلقين حولي.

وأخرست كلمات الكبير البذيئة الصوت الأجش والأذان التي فتحت لكلماته ، وقطع الكبير الصمت الذي أحدثه سبابه للأجش وتناول ورقة من الصندوق وتناولني إياها قائلاً :

- اقرا يا بني اقرا وخلصنا من الغاغة دي

وتناولت الورقة وكان بها

صفحة رقم (٢)

وبدأت الوزارات في عمل دائب للبحث عن علاج للملك العقيم وخلقت كل وزاره لنفسها دورا وبدأت الحملة الإعلامية وجندت كل أجهزة الإعلام لحشد التأييد الشعبي لهذه المهمة وأعلن عن فتح باب التبرع أمام كل من يرغب كلا حسب مقدرته ، وأمام شاشات التلفزيون وفي حضور جمع من الوزراء تبرع تلميذ بمصروفه وتبرعت تلميذة بحلقها وأهدت أخرى وردة بيضاء وتمنت لجلالته الشفاء غير التلفزيون وتبرع المنافقون ونشرت أسماءهم في الجرائد وأمام كل اسم المبلغ الذي تبرع به ورفضت

الغالبية العظمى من الشعب التبرع وقد يرون ذلك أحد كتائب الإمبراطور
المقربين يقولون (إن عدم تبرع الشعب لعلاج مولانا الإمبراطور المعظم
ليس دليلاً على أنهم يرفضون أن ينجب مولانا المعظم ملك من صلبه
يرث الإمبراطورية من بعده ويسير على نهجه كما يروج المغرضون ولكنه
دليل على أن الغالبية العظمى من أبناء الأمة عاجزون عن فهم حكمة
مولانا وبعد نظره وهذا قدر القادة العظام الملهمين فإنه قليل من الناس
من يستطيع فهم ما يرمون إليه إلا بعد مرور سنوات وسنوات وحتى
تثبت الأيام مدي حكمة هؤلاء القادة العظام الملهمين وعلي رأسهم مولانا
المعظم (وأمام إصرار الشعب علي عدم التبرع تقرر فرض رسم علاج
مولانا الإمبراطور علي كل المتعاملين مع مصالح الإمبراطورية وعلي
التلاميذ في المدارس وعلي الصادرات والواردات وعلي الإنتاج
والاستهلاك وعلي تذاكر القطارات والأتوبيسات وكانت الرسوم تتزايد
وتتضاعف كلما باءت محاولات علاج مولانا الإمبراطور بالفشل وقد
استمر الحال أياماً وشهوراً ولا حديث إلا عن علاج مولانا الإمبراطور
ولا صوت يعلو فوق صوت علاج الإمبراطور وكان علي رأس
الحملة كبير المستشارين الذي بعد أن فشلت كل الأدوية والعقاقير
والجراحات في علاج الإمبراطور اضطر للجوء للعرافين . والعرافات
والدجالين والدجالات بل وإحضارهم إلي حضرة مولانا الإمبراطور
وعمل حفلات زار ليرقص فيها جلالة الإمبراطور ولم تغلج كل

هذه المحاولات في علاج الإمبراطور العقيم حتى دب اليأس في قلوب المحيطين به وأعلنوا بين أنفسهم عن فشل المهمة القومية المقدسة وإن كانت المرأة لم توات أحد منهم للإعلان عن ذلك للملك أو للعامة ، إلا أن خبرا تنامي إلي سمع كبير المستشارين جعله لا يفقد الأمل حيث أخبره أحد العرافين عن رجل يعيش في غابات إفريقيا يداوي العقم بدماء القروود فأمر كبير المستشارين أن يحضر هذا الرجل علي وجه السرعة ومهما طلب من أجر ومهما تكلف الأمر ، ولم تعد الرسوم تكفي فأضيف إليها ضرائب حتي حضر هذا الأفريقي الأفطس الضخم الأسود والذي اضطر كبير المستشارين أن يحضر أربعين مترجما ينقلون قوله من لغة إلي لغة حتى يصل إلي اللغة العربية وأكد الأفريقي بعد الكشف علي جلالة الإمبراطور أنه يملك العلاج ، وحقن الأفريقي الإمبراطور بدماء القروود وطلب منه أن يجامع زوجاته لمدة اثنتين وعشرين يوما علي شرط أن لا يجامع أكثر من امرأة في اليوم وأن لا يجامع المرأة الواحدة إلا مرة في اثنتين وعشرين يوما معني ذلك أن الإمبراطور يحتاج إلي اثنتين وعشرين امرأة وأفتي الشيخ أنه يحل للملك أن يملك ما يشاء من ذات اليمين وأحضر للملك ثلاث زوجات بجوار الإمبراطورة وثمانية عشر جارية من كل أنحاء الإمبراطورية ومن خارجها وتضاعفت الرسوم والضرائب وأضيف إليها عمولات ورشاوى وضائق الأرزاق وشحت

21

صرخ بها نفس الصوت الأجش الذي أخرسه الكبير منذ قليل وتلاه صوت يقلقل نهايات الكلمات كلها

وجذب طفل صغير جلاباب أبيه متسائلا هو ايه الأفريقي دا يا بابا

وأجابه أباه

أحدث ذكر خير الله العبد بجسده الفارع الطول وبشرته السمراء
وأنفه الأقطس وأسنانه البيضاء واللامعة والكرجاء الذي لا يفارق يده
والذي يسوق به جمال العمدة الربع في قلب الصغير فاخترت خلف أبيه
وكان الأفرقي سيقفز من الصندوق ليلهبه بالسوط، وثار الكبير الذي
أزعجته المهمات التي سرت بين المتحلقين فصرخ فيهم.

الإمبراطور من غير ولاد.

وتعاونوا على البر والتقوي ولا تعاونوا على الإثم والعدوان إن شاء

الله وبإذن الله ها يخلق.

- إن شاء الله ويعون الله ماهايشوف طرف عيل هم العيال ينشروا يا
ناس ؟!

تحداه بها صاحب الصوت الأجش والذي كان ما يزال صوتاً بلا جسد
حيث أن جسده كان مختبئاً وسط المتحلقين.

وتضاعف انفعال الكبير فانفجر فيه قائلاً

- كل واحد يحط لسانه جوا بقه ويسكت واللي عاوز يسمع يقعد زي
البلغه خلينا نخلص ونشوف ورانا إيه ولا أنتم استلديتم القعدة وها
تسينوا بيت الله كدا.

بدا الشيخ ذو اللحية البيضاء وكأنه تذكر بيت الله فجأة فندب قائلاً
- بيت الله يا عالم .. بيت الله يا هوه .. بيت الله اللى هديتوه بيت
الله.

لم يعجب الكبير عواء الشيخ فزجره

- خلاص يا شيخ أنت هاتندب

وزجرني الكبير قائلاً

- اقرا بسرعة اقرا

وناولني ورقة فكان بها

صفحة رقم (٣)

ومرت ثلاثة شهور والشعب في حالة ترقب لما ستسفر عنه محاولة

الإفريقي لعلاج الإمبراطور حتي بدأ اليأس يدب في قلب الإمبراطور
وقلوب المحيطين به ولكن ذات صباح ظهرت بشائر الحمل علي كل
زوجات الإمبراطور وجواريه ..

.. الله أكبر ..

انطلقت الصيحة بجوار أذني فأرعبتني أطلقها الشيخ ذو اللحية
البيضاء وتبسم الكبير ومن بين قسماته التي أضغنتها الابتسامة أشار
لي أن أكمل القراءة فأكملت ..

.. وبدأت الأفراح والأعياد وشحت الأقمشة لما علقت اللافتات علي
كل البيوت وانتشرت التهاني في الصحف وطيرت البرقيات وقطعت كل
برامج التلفزيون وادبرت الأغاني الوطنية وعقدت الندوات وحلل المحللون
السياسيون مدي الاستقرار الذي سيحدثه الحدث وعلق المعلقون
الاقتصاديون علي الحدث باعتباره السبب الرئيسي في الارتفاع الذي
تشهده البورصة والتدفقات الاستثمارية التي ستغمر البلاد عما قليل
بسبب تأكد المستثمرون من استمرار حالة الاستقرار الذي تشهده البلاد
بسبب هذا الحدث العظيم وعقدت الندوات عن العلاج بدماء القروء بل
إن بعض الأثريين ذهبوا إلي أن العلاج بدماء القروء وجد منقوشا علي
بعض الآثار.. وأعطي كل من شارك في هذه المهمة القومية المقدسة
النياشين ومنح الإفريقي أجره ونيشان والجنسية وتضاعفت الرسوم

وتضاعفت الضرائب وندرت السلع وأصبحت الوظيفة ضرب من الخيال
وباع الشرفاء أجسادهم وباع الضعفاء نفوسهم وبعد تسعة أشهر وضع
أول مولود لجلالة الإمبراطور فكان يوم وأى يوم طلع جلالتة علينا عبر
التلفزيون ومد الطفل إلي الكاميرا وقال وقد تحجرت الدموع في عينيه
- إنني أهدي هذا الطفل إلي هذه الأمة الولادة

وقد تكررت مرات ظهور الإمبراطور ومرات الإهداء اثنتين وعشرين
مرة وأمام إلحاح أحد كتاب الإمبراطور قرر جلالتة إمعانا في تقديره
للتأييد الشعبى الجارف لمهمة علاجه أن يجرى اقتراعات عامة لاختيار
أسماء ولاية العهد فمن حق الأمة أن تختار اسم من يحكمها من بعد
جلالتة وقد امتدح رئيس تحرير إحدى الصحف القومية هذا القرار لجلالة
الإمبراطور بقوله (إن جلالة الإمبراطور لم يكتف بما أرساه من حقوق
سياسية تفخر بها أمتنا عن الأمم المجاورة بل إن جلالتة أرسى حقا
سياسيا جديداً سيظل محفوراً باسمه وبحروف من نور علي جبين التاريخ
ألا وهو حق الأمة في اختيار اسم من يحكمها من بعد جلالتة).

ولكن بعض من جلس وشارك في هذه الاقتراعات أقسموا أن هذه
الاقتراعات كانت مزورة هي الأخرى وأنهم في كل مرة كانوا يجبرون
الناخبين علي اختيار اسم معين ويبدو أن الاسم كانت تختاره الأم وليست
الأمة.

ومر عامان وأخبار أولياء العهد قلم الصحف والإذاعة والتلفزيون.

- ضحك اليوم ولي العهد الرابع عشر.

يكون هذا في مناسبة دينية

- يكي اليوم كل أولياء العهد بلا استثناء

يكون هذا في حالة وقوع كارثة

- نقل اليوم ولي العهد الخامس إلي المستشفى

- كانت أمه قد رشت وزير الإعلام ليذيع النبأ الغير صحيح لتكسب

تعاطف الشعب مع ابنها.

- قرر اليوم ولي العهد العاشر - عام ونصف - منح وسام رفيع للبطل

القومي الذي حصل علي الميدالية التي طال انتظارها في الألباد.

- استقبال اليوم كل أولياء العهد - عامان - السيد رئيس الوزراء

والسادة الوزراء وكبار رجال الإمبراطورية ليتلقوا منهم التهنئة بمناسبة

عيد الجلوس.

وفي نهار أحد الأيام قطع البث التلفزيوني وأذيعت الأغاني الوطنية

وتحلق الشعب حول الشاشات وبعد ما يناهز الساعة أطل علينا مذيع

اكفهرت ملامحه قائلاً.

أيها السادة إليكم النبأ التالي (تجري الآن وتحت إشراف طبي عالمي

عملية الختان لأولياء العهد حفظهم الله).

ودوت ضحكة من صاحب الصوت الأجش ملأت الفضاء وتبعها قائلا
.. حفظهم الله

وتلتها ضحكة أخرى أقوى من أختها تلتها ضحكات من المتحلقين
حولني حتي أن صاحب الصوت الأجش ظل يردد
.. حفظهم الله .. حفظهم الله .. حفظهم الله

وقد استلقي علي ظهره مؤرجحا قدميه في الهواء وانتابت المتحلقين
حالة هستيرية من الضحك فضحكت فلكنني الكبير في جنبي.
.. اقرا وسيبك منهم اقرا

وناولني ورقة

ولما ترددت في القراءة لكنني بعصاه

.. أقرا يا بن الكلب وعلي صوتك

فقرأت

صفحة رقم (٤)

.. مضي الحال علي هذا المنوال عدة شهور ثم سمع من إحدى الإذاعات
الأجنبية خبر قصير فحواه أن جلالة الإمبراطور سحب النيشان من
الإفريقي وكذلك الجنسية التي لا يستحق شرف الانتماء إليها وتم طرده
من الإمبراطورية وانقطعت أخبار أولياء العهد من الصحف والمجلات
والتلفزيون وألغيت مسابقة كانت قد نظمت لاختيار اثنين وعشرين طفلا

من أبناء الشعب ليقضوا عدة أيام في ضيافة أولياء العهد .
كان المتحلقون قد حلت عليهم غلالة من الترقب وقد اقتربوا من
حولي حتي أنني تلعثت في القراءة
وبعدها بأيام سمع من نفس الإذاعة خبر إلقاء القبض على كبير
المستشارين وإيداعه السجن.

- زاد الترقب علي وجوه المتحلقين واقتربت آذانهم أكثر وعمهم صمت
مهيب - وعلم بعد أن كذبت الإمبراطورية هذه الأنبياء مرارا أن الأنبياء
صحيحة وعلم أن السبب في ذلك يرجع إلي أن الإفريقي الذي حقن
الإمبراطور بدماء القروء والذي أنجب الإمبراطور علي يديه اثنين
وعشرين ولدا للعهد في زمن قياسي علم أن هذا الإفريقي المطرود تجاهل
وأمر من كبير المستشارين المودع في السجن أن يبلغ جلاله الإمبراطور
أن الأطفال المولودين بهذا العلاج لا يستطيعون الانتصاب علي أقدامهم
وأنهم يمضون طوال عمرهم كالقروء.

- يا خليفة الندامة .. يا خليفة الندامة أطلقها صاحب الصوت الأجش
وتحلق حوله المتحلقون وظلوا يصفقون له وهو يرقص ويشير إلي الشيخ
ذو اللحية البيضاء الذي نكس رأسه بعد أن تفل علي يساره ثلاثا وكأنه
يطرد أحد الشياطين أما الكبير فلم يجد بدا من أن يقف وقد احمر وجهه

- بطل يا عم مصري
واحتقنت الدماء ف...
- بطل كلام يا عم مصري
وصرخ فيهم ...
اقترب الطبيب الشاب من أذن المسجي وناداه بحنو وخفوت
- بطل كلام يا عم مصري
وتوقف مصري عن الحديث
وذهبت توسلات المسعف التحيل للطبيب الشاب أن يدع المسجي
يكمل حكايته سدي علي الرغم من أن توسلاته كانت مشفوعة بتوصية
من عيني الجالسة والمسعف الضخم
وقال الطبيب موجها حديثه للجالسة
- لازم أتصل بحد من أساتذتي .. الراجل بيهذي
بدا أن الكلمة أحدثت صدمة لدي الآخرين فأضاف الطبيب الشاب
- والعجيب إنه بيهذي بكلام دقيق جداً ، دي حالة .. دي حالة غريبة
أنا مادريستهاش وعمري ما صادفتش زيتها في شغلي لازم أتصل بحد من
أساتذتي المتخصصين في الطب النفسي عشان أبقي مطمئن إني بعالجه
صح.
ولم ينتظر الطبيب التأييد الذي صدر من الجالسة وأخرج التليفون

المحمول النائم في جرابه وأيقظه بضربات علي أرقامه وبعد لحظة من
الترقب تحدث في شي من الرهبة
- سلام عليكم.

.....
- ايوه يا دكتور أنا يسري ذكي تلميذ حضرتك .
.....
- أسف يا دكتور . أنا عارف إن الوقت متأخر .. لكن
الحالة مستعجلة ومفيش حد يقدر عليها غير حضرتك

.....
- الحكاية بسرعة إن المريض اللي قدامي بقالة أيام راقد على السرير
وما بيتحركش وفي حالة غريبة لا هو نايم ولا هو صاحي ولا هو فايق.

.....
- سألته يا دكتور إيه اللي مزعلك وبعد محاولة ومناودة حكي لي
حكاية غريبة حكاية عن ناس حُباة وملك ووزراء ومستشارين ومسجد
وكبير وشيخ بلحية بيضاء وإفريقي وصندوق وناس ومقام وأولياء عهد
ومهمات قومية ومهمات مقدسة.

أكمل له المسعف الضخم مبتسما.

- ودماء القروود.

فردد الطبيب الشاب

- وكمان علاج العقم بدماء القروود.

-٤٣-

.....

.....
- أبوه يا دكتور والله العظيم علاج العقم بدماء القروود.
فلتت ضحكة من فم الطبيب الشاب يبدو أنها كانت تكمل أخرى من
أستاذة.

.....

.....
- لكن يا دكتور كلامه دقيق ووصفه دقيق
.....

.....
- توجهت رأس الطبيب الشاب إلى الجالسة متسائلا

.....
- هو كان يتعاطي مخدرات أو خمرة ؟

.....
أجابته وقد أفزعها سؤاله فرفعت صوتها ليسمعه الراقد بالهاتف

.....
- لا عمرة .. عمرة ما أتعاطي مخدرات

.....
- ولا مسكنات ؟

.....
- إدوا له مسكنات كثير لكن ما كانتش بتسكن آله

.....
- أمبول واحد يا دكتور كل نص ساعة ؟

.....
- وما سأله نفس السؤال ؟

.....
-
.....

.....
- يعنى أخليه يكمل نفس الحكاية

.....
- ألف شكر يا دكتور مع ألف سلامة سعادتك مع ألف سلامة
وعاد المحمول إلي نومه ، وقطعت النظرات المتلهفة إلي معرفة نتيجة
الاتصال الطريق علي الطبيب الشاب فتوقف عن ذرع الحجرة ذهابا
وعودة وبإشارة من الطبيب تقدم المسعف الضخم ليناول الطبيب المحقنة
وزحفت الجالسة وعرت ذراع المسجي وحقنه الطبيب فلم يتأوه.
- أمبول فالיום عشان يهدي وينام .. نص ساعة ونشوف هابينام ولا

لا.

قالها الطبيب ليرد بها علي العيون المتسائلة وساد بعدها صمت حول
الغرفة إلي جزر منعزلة ، فالمسعف الضخم جذب الراديو العجوز فذهب
يبحث بأزراره ، الجالسة والمسجي انعزلا في جزيرتهما وألقي كل منهما
شراعه في مرسى عيني الآخر ، والمسعف النحيل جذبته النجوم الساهرة
في سماء الليل تحتر ذكرياتها فطارت عيناه إليها عبر النافذة ، ويبدو
أن العنكبوت تذكر عشائه المعلق في بيته فزحف إليه.
أما الطبيب الشاب فقد استرخي علي كرسيه وتعلقت عيناه بالمسجي

الذي أعاد لفكره ذكرى أبيه الراحل منذ شهور والذي رقد نفس هذه الرقدة أسبوع واحد في غرفة العناية المركزة بالمستشفى العام رقد أسبوعاً صامتاً لا يتحدث منه سوى عينييه المطفشتين ، لقد كان في نفس عمر المسجي تقريباً يا تري هل هي نفس الحالة حالة جيل كامل جيل (ماسك الهوا بإديه) كما سماه الشيخ سلامة الجزيري صديق أبي العزيز في آخر زيارته لأبي قبل وفاته ولما سأله أبي يعني ليه جيل (ماسك الهوا بأديه) قال له علي مسمع منا يعني شبيتم في حضن ثورة وخضتم حرين في سينا وحرب في اليمن وجريتم الليبرالية والاشتراكية وجريتم الانفتاحية وشقيتم طول عمركم وفي الآخر ما لقيتوش في ايديكم غير الهوا طب هو مطرب الجيل مش قال لكم وأتاريني ماسك الهوا بإديه هو كان بينهكم بس أنتم اللي ماخذتوش بالكم وجاين دلوقتي تشتكوا ما أنتم اللي .. لا مؤاخذه.

ضحك جسد الشيخ سلامة فالشيخ سلامة لم يكن ضحكه من شفتيه أو من عينييه بل عندما يضحك يزوم شفتيه ويهتز جسده كله كمن مسته كهرباء ، وأبتسم أبي وتنهد وتفل من النافذة فسقطت تفالته علي عشة مهجورة وتجولت عيناه في الشارع كمن يبحث عن شيء أو كمن ينتظر قادماً لم يأت أبداً وكانت هذه عادة أبي عندما يحس بالانهزام ويريد أن يغير موضوع حديثه مع الشيخ سلامة صديقه الوحيد الباقي من أيام

الطفولة أما أصدقاء طفولته الآخرين فقد تساقطوا في رحلة يزيد طولها
عن عشرين ألف يوم مما تعدون.

توفي أحدهم ولم يقطعوا من الرحلة بضع سنوات توفي غريقاً في
ترعة النعناعية القريبة من منزلنا وظلت أمه تؤكد حتى لحقت به أن ابنها
لم يمِت غريقاً بل مات مقتولاً وأن من قتلته هي الجنية التي تسكن أسفل
الكوبرى والتي كانت تريد الزواج من أبيه والذي رغم ما وعدته به من
كنوز وعلي فقره رفض الزواج منها فتوعدته وتربصت به وبأبنائه وأن
ابنها الفقيد لم يستمع لتحذيرها له بعدم الاقتراب من الكوبرى وأقسمت
وظلت تقسم طوال حياتها أن ابنها لم تمس قدمه الماء وأن الجنية العاشقة
مدت يدها ذات الأظافر الحديدية وجذبت ابنها من الشاطئ وأنزلته تحت
الماء انتقاماً من أبيه.

وابتلعت جبال اليمن أحد أصدقاء أبي ولم يعثروا له علي أثر وعندما
عاد جيشنا من اليمن عاد بدلاً منه خطاب أصفر صغير بيد جندي أصفر
نحيل يقول أن ابنكم مفقود ويحث عنه أبوه بين مكاتب منطقة التجنيد
فلم يجده ، وظل يبحث عنه حتى مرت سنوات وعندما سمعت أمه
مطرب الجبل يغني (وإن لقيتم حبيبي سلموا لي عليه طمنوني لأسمراني
عامله إيه الغربة فيه) شقت ثوبها وهامت تبحث عنه في الحقول
والبراري والبلدان القريبة حتي ذهبت تبحث عنه في مقابر بلدتنا ولم تعد

حتى اليوم.
واتبع ثلاثة من أصدقاء أبي تعليمات القيادة أثناء النكسة وولوا
هاريين فلدغ أحدهم عقرب وهو يهيم على وجهه في الصحراء ولمحت
الثاني طائرة معادية أما الثالث فعندما عاد مشردا إلي قريتنا في جنح
الظلام سمع مطرب الجليل يغني (عدي النهار والمغربية جايه بتتخفي ورا
زهرة الشجر) فسقط مغشيا عليه.

وعند هذه المرحلة كان قد بقي لدى أبي ثلاثة أصدقاء أحدهم الشيخ
سلامة. أما الثاني فقد حارب العدو بإطلاق لحيته وكلما قوي العدو أطال
له لحيته وكلما تجبر العدو أطال له لحيته أكثر فأكثر وحكي لي أبي أن
آخر ما سمعه من أخبار صديقه هذا أن لحيته بلغت من الطول حدا لم تعد
دار تسعه فذهب إلي جبال أفغانستان حيث المتسع .

أما الثالث فقد جلس علي مكتبه ليلم ثمن أبي وأصدقائه وكلما
تساقط أحد أصدقاء أبي تكاثرت الأموال من حول صديقه هذا وقال لي
أبي أن صديقه هذا دخل إلي كومة من الأموال ليعدها ولم يعد بعد.

أما الشيخ سلامة وحيد أبويه المدلل فقد ظل لسنوات في كلية
الصيدلة تخرج بعدها درويشا ، وبدلا من مقاومة الأمراض قاوم الأنفس
السبعة ، ظل لسنوات يقاوم الأمانة بالسوء حتي طلق زوجته الدنيوية
وابتنه وانتقل بعد الأمانة بالسوء إلي اللوامة وقد جاهد معها جهادا

عنيفا وظلت تراوغة لسنوات حتي استطاع الانتصار عليها وبعدها انتقل
إلي المطمئنة وحاربها وانتصر عليها ولم يستطع القضاء علي الراضية
والمرضية إلا بعد أورداد وأذكار لا يتحملها بشر ، أما الملهمة والكاملة
فقد عاجلته من هبوط حاد ناجم عن الزهد الذي كان سلاحه في التغلب
عليهما وعندما عينت طبيبا بالمستشفى الأميري كان الشيخ سلامة قد
أدي ما عليه تجاه ربه وتجمع من حوله الدراويش الضالون ليعطيهم الإذن
بالمسير إلي الله بعد أن يتوبوا بين يديه عن آثامهم وشرور أنفسهم
وكانت إحدى كرامات الشيخ سلامة أنه يجيد التخفي وسط العامة
والمنكرين حتي لا يلحظ أحد أنه يتميز عنهم في شيء وكان يرتدي دوما
جلابا أبيضاً وطاقية بيضاء علي رأسه التي لم يشب من شعرها شيء
رغم تجاوزه الستين وكانت هذه أيضا تعد من كراماته وكان يتخذ من
إحدى المقاهي القذرة مقرا له وإمعانا في التخفي كان يدخن ويشكل دائم
النار جليه .. وعندما يرفع الأذان وتنطلق نداءات الإيمان لتجذب البشر
من دنياهم إلي الله كان جسد الشيخ سلامة يرتعد كله حتي ينهي المؤذن
آذانه وتعود نداءات الإيمان بمن جمعتهم إلي الله ولكنه وإمعانا في
التخفي لا يقوم للصلاة . وقد سأله أحد دراويشه وكان درويشا مبتدئا
يرتسم علي وجهه غضب الله والشيخ ، لم لاتقوم للصلاة يا مولانا ؟
أجابه الشيخ سلامة بعد أن تجاهل سؤاله مرات أنه يصلي حيث يأذن الله

ولم يزد الشيخ سلامة عن ذلك وأطرق بعينيه إلى أرض المقهى الموحلة
ولفته غلالة من صمت وقور وسقط (اللي) من يده في الطين ولحسه
أحد دراويشه بلسانه ينظفه بعد أن فاز به بعد صراع مع زملائه ، وانتحي
درويش قطع نصف المسافة إلى الله بالدرويش المبتدئ الغبي الذي لم يأذن
له الشيخ سلامه بالسير إلى الله بعد وأفهمه أن الشيخ سلامه يصلي
الفجر في مكة والظهر في المدينة والعصر في الكوفة والمغرب في الرباط
والعشاء في سيدنا الحسين ، وابتلع الدرويش المبتدئ سؤالا قفز إلى
شفتيه هل يصلي الشيخ سلامه الصلاة كاملة أم يقصرها لأنه على سفر؟
ولأن الشيخ سلامه حرم نفسه طويلا من متاع الدنيا وطلق زوجته في
طريق هجرته إلى الله ولأنه بلغ نهاية الطريق بنجاح فقد عاث في
الطرقا وعلى شاشات الفضائيات وفي زحام الموالد وفي بطون المواخير
بحثا عن حور العين وكان كلما وجد إحداهن أحس أنه دخل الجنة حتى إذا
ما تسرب إليه الملل منها ولأنه يعلم أن حور العين لا يملهن أحد ذهب
ببحث عنهن مرة أخرى ولما علم أنه يتردد على كريمة التي أذلها بيع
الملابس فباع ما تحتها أذاع دراويشه أن الشيخ سلامة بكراماته استطاع
هداية كريمة حتى أنها أصبحت لا ترى إلا في أضرحه الأولياء التي يزورها
الشيخ سلامة .

أما أبي فعلى باب خروجه من مدينة حياته التي كافح لبنائها استوقفه

أبو الهول وطرح عليه سؤالاً

هل تبسح البيت الذي كافحت عمرك لبنائه ويؤويك أنت وأبنائك
لستطيع بضمنه أن تلحق أحد ابنك بكلية الشرطة وتلحق الآخر بالنيابة
العامة وتصبح بلا مأوى ، أم تترك لهم مأوى وتدعهم بلا عمل ؟ ولأن أبا
الهول كان يقتل من لا يجيب على سؤاله كما تقول الأسطورة الإغريقية
فقد انتقل أبي إلي جوار ربه وهكذا ترك السؤال وأبا الهول علي باب
مدينة يتمني أخوايا أن يبنياها .

انتشلت يد المسعف الضخم الجثة الطبيب الشاب من بين أمواج
ذكرياته التي كادت تفرقه فأيقظ الطبيب عينيه النائمين علي المسجي
ليعيد النظر إليه فوجده ما زال غارقاً في بريق عيني الجالسة بجانبه .
وامتنطى المسعف التحيل آماله في سماع بقية الحكاية حتى أوصلته
إلي حافة السرير وجلس الطبيب في مرمى عيني المسجي سائلاً يحنو
وخفوت .

لأيه يا عم مصري الكبير عمل أبة عشان يسكتهم ؟
وتحدث المسجي فأهدي حديثه ابتسامة لوجه المسعف التحيل وأطلق
العنكبوت برأسه وبدأ الزحف حتى عاد معلقاً بين السماء والأرض .
أما الكبير يا ولدي فلم يجد بداً من أن يقف وقد احمر وجهه
واحتقنت فيه الدماء وصرخ فيهم وعينيه تلهب الأجر بشرورها

- طب بارقاص يا بن الكلب إن ما علمتلك الأدب.
وتطايير شرر عينييه حولي حتى غمرني.
- لم يا واد الورق ده والله لاني متولع فيه هو والصندوق الأغبر وتحول
الشرر إلي لحية الشيخ البيضاء.
- هات ولعة من معاك يا شيخ
عيث الشيخ بملابسه وكان جمرات تلسع يديه وأخرج علبة ثقاب قذف
بها إلي الكبير الذي التقطها وأخرج أحد أعواد الثقاب التي تسكنها
واقصعرب من الورق المكوم داخل الصندوق وأشعل الثقاب إلا أن صوتا
يعترفه بهذا وكان لا يتنهي حطوره أطفأ الثقاب المشتعل بيده وجعله
يستدير ولوجه قد ازداد الاحتقان به.
- هتولع إيه يا كبير؟
- وأجابه الكبير في لغة أمرة
- هاولع اللي أولعه يا حاج صبرى.
وتطايير شرر عينييه إلي صفحة وجه الحاج صبرى الهادئة فانطلقا على
الفور.
- قول لي بن يا كبير هتولع إيه وبعد كدا ولعه ؟
أجاب الكبير بفروغ صبر
- هولع شوية ورق لقيناهم وإحنا بنفخت الجامع

سأله الحاج صبري بمكر

- وعرفت إيه اللي فيهم قبل ما تولعهم ؟

بدا أن الكبير لم يلح المكر في سؤال الحاج صبري فقد أجاب

- عرفنا يا حاج صبري

وبذات المكر سأل الحاج صبري

- وإيه بقي اللي فيهم ؟

لم تكن الرسالة قد وصلت الكبير بعد فقد أجاب

- فيهم كلام فاضي وحكايات من ألف ليلة

فك الحاج صبري شفرات رسالته سائلا

- يعني مفهمش وقف ولا حاجة ؟

أنبأته رسالة الحاج صبري التي فهمها أخيرا بقصة دارت فصولها

بينما هو جالس لا يدري فقد ذهب أحد أنصار الحاج صبري وأبلغه بكل

ما حدث وحضر هذا اللعين في الوقت المناسب كعادته قبل أن يفتنم هو

الفرصة ويحرق الورق ويستريح ، فهذا اللعين لن يدعه يحرق ورقة واحدة

فسيستفيد في كل الأحوال ، فإن كان بالورق وقف فسيستفيد وإن لم

يكن به وقف فسيكون أول من يبلغ عنه جهات الأمن حتى يضعه في نار

جهنم ويسكن هو جنته مع زوجته البندرية الشابة حتى إذا ما شوهدت

صورته لدى جهات الأمن زحف هو من جنته إلى منصب الكبير هذا إذا

لم يزحف المنصب إليه وأسعف الكبير ذكاؤه فقرّر أن يجر الحاج صبري إلى نفس الفخ الذي وقع فيه بأن يدع له مطلق الحرية في أن يتخذ القرار المناسب إما بحرق الورق أو تسليمه إلى جهات الأمن ولكي يحدث ذلك صرف الكبير وجهه عن الحاج صبري ووجهه إلى الأجنّ قائلًا.

« الله يلعنك يا رقاص ... شوف يا بن الكلب كنت هاتنسيني موضوع الوقف وتخليني أولع في الورق إخص عليك تربية مرة هو أنا لو ما حنيتش عشان أمك كنت سمعت كلام الحاج صبري ووديتك الجهادية وريحت البلد منك هو أنت كان هايعدلك ويلمك عن حاجات الناس غيرها وحياة أمك الغالية لانا شاكك اسمك في أول مرواحة ليه للمركز. واقترب رجل طويل أسمر تدلت شفته السفلي وبدا شبه عار إلا من قميص ممزق وسروال وقال وقد أغمض عينيه في مواجهة الشمس التي كانت قد احتلت كبد السماء.

« المسماح كريم يا كبير عشان خاطر أمه والجرماء اللي ساييه أبوه. ونظر الكبير إلى السيد أبو شفتوره - هكذا كان يناديه أهل القرية - شزرا لأنه ابتلع الطعم بدلا من الحاج صبري فلفظه على الفور وتنحي جانبا فواصل الكبير حديثه.

« ياريتني سمعت كلام الحاج صبري بس أدّي إحنا لسه فيها وابتلع آخر الطعم وكان الجدري قد أكل معظم بشرته وإن كانت عيناه

قد أفلتتا وبدتا لامعتين كراسه وقال

- يا كبير دا عيل والنبي تسامحه عشان خاطر حبيبك النبي
وكان الكبير كان يجذب الطعم بيده التي مدها في وجه المجدور قائلا
- هو الحاج صبري يقول كلمة وتطلع غلط
وابتلع الحاج صبري الطعم وقال أسفا
- بس لو حد يسمع الكلام
فتاوله الكبير الخيط حتى آخره
- هانسمعه يا حاج صبري هانسمعه يا خويا
وقال الحاج صبري راضيا بالثناء عليه
- إيه بس اللي حصل إيه المشكلة وتنحل إن شاء الله ؟
تأكد الكبير أن الطعم استقر في معدة الحاج صبري فجذب الخيط
قائلا

- عمل كتير يا حاج صبري
تسائل الحاج صبري
- عمل ليه الواد ده بس يا كبير ؟
بدا الكبير وكأنه يعد
- أو ولاكش كدا أول عامنول مش بطح علي عبدالموجود خولي عزبة
البيه

أجاب الأجش الذي كان صوتا بلا جسد
- دا كان أكلتي وعاوز يزود ثلاث تنفار ويلهف أجرتهم ولما فضحته
حد الله ما هو مشغلتي كنت أسيبه ويعدين اسألوا البيه .
ألقى الأجش الكلمات فأنكشف عنه المتحلقون فبدا بجسده الضخم
وعينييه الحادتين وشعره الأكرد وبشرته البرونزية وقدميه الضخمتين
المغروستين في ركام المسجد وكأنه تمثال ضخم إنتهى منه المثال لتوه .
أرهب الكبير الجسد الضخم فلاذ بالحاج صبري قائلا
- تانيها بقي عامنول مش نط علي نوالتك يا حاج صبري وشال شوال
قمح تبرك بيه الركوبة ووداه لأمه .
أدار الحاج صبري وجهه معترضا علي ذكر الواقعة وقال الأجش بثقة
- هو عارف إني ماسرقتش منه حاجة
ثم أضاف متنهدا
- الله يرحمك يا كاسية
كانت كاسية التي ذكرها كافيته لضم الحاج صبري إلي صفه فورا
فكاسية كانت الزوجة المرشحة له من قبل الحاج صبري بعد أن قضى أحد
أبنائه علي عذريتها ولما رفض الزواج منها طرده الحاج صبري من خدمته
بل واتهمه بالسرقة ولما هدده بفضحة كف عن اتهامه بالسرقة وها هو قد
اتضح له أن الحاج صبري كان يدبر له مكيدة ليلقي به في الجهادية.

أحدثت كلمة كاسية التي ماتت محترقة الأثر المطلوب منها فلقد قال
الحاج صبري في غضب.

يا كبير إخواني اللي دخلنا في الكلام ده أنا كنت بسأل الواد ده
عمل إيه دلوقتي؟

وحكي الكبير للحاج صبري ما حدث منذ الصباح واختتم حديثه
قائلاً:

هو دا اللي حصل من صباحية ربنا لحد دلوقتي وإحنا من إيدك دي
لإيدك دي يا حاج صبري اللي تشوفه وتشور بيه هانعله

وهضم الحاج صبري الطعم فناوله الكبير زمام الأمر راضياً وتطلعت
الوجه إلي الحاج صبري الذي أدرك لتوه أنه قد زج به إلي فخ وسرعة
أدار الموضوع في رأسه وهداه تفكيره إلي نفس الطريق الذي سلكه
الكبير من قبل فقال متطلعا إلي الكبير.

طب تشوف إيه اللي في الورق الأول ويعدين ربنا يحلها .
ابتسم الكبير وجذب الحاج صبري وجلسا إلي جوار الصندوق
وتوسطناهما أنا والشيخ ذو اللحية البيضاء ومد الكبير الورقة بعد أن
استنطقها فلم تنطق كأخواتها إلي الحاج صبري الذي تأملها وكأنه ينسخ
صورتها في عقله ونظر مليا إلي الزخرفة على جنباتها وناولها لي قائلاً:
دي باين عليها مهمة اقرا يا بني

ولما طلب الإمبراطور من الأفريقي أن يعالج أولياء العهد أعلن أنه لا يوجد لهذا المرض علاج فكان مصيره الطرد ومصير كبير المستشارين الذي لا يعرف له أصل السجن وعاد الإمبراطور إلي حزنه وقد ازداد وإلى أرقه وقد ملك عليه حياته ووضع أمام عينيه سؤالاً ضخماً بحجم الإمبراطورية وهو كيف يمكن أن يتولي أحد ولاية العهد الحكم من بعده وهم حباة يمشون كالقروء ؟ ولما عجز الإمبراطور عن إيجاد حل لسؤاله بدأ البحث عن علاج لأولياء العهد في كل مكان على وجه الأرض فلم يفلح طبيب في علاجهم ووقف الطب حائراً عاجزاً مشلولاً أمام حالتهم فلجأ الإمبراطور للعلاج بالقرآن الذي أهمله طويلاً ولما فشل العلاج بالقرآن أقر الإمبراطور أن القرآن كتاب عبادة وأحكام لعلاج الأمم وليس أولياء العهد وإن كان قد عاد إلي إهماله ولجأ إلي الرهبان في الأديرة وأخرجهم من صوامعهم لعلاج أولياء العهد ففشلوا في علاجهم ولجأ الإمبراطور إلي سكان الصياصي وبدلاً من أن يحاربهم طلب منهم علاج أولياء العهد وبعد أن ماطلوه طويلاً واستنزفوه كثيراً ثبت له فشلهم فلجأ إلي العرافين فخذلوه وإلى الدجالين فأحبطوه إلا أن كبير المستشارين المسجون والذي تفرغ في سجنه طويلاً أفزع حراسه بطرقات

عنيفة على باب زنزانته ونادي عليهم في هياج طالبا أن يلقوا جلالة
الإمبراطور أنه وجد الحل ولما كان الحراس ومن بعدهم مأمور السجن ومن
بعده وزير الداخلية يسألونه حل ماذا ؟ كان يجيبهم عليكم فقط إبلاغ
جلالة الإمبراطور أن كبير المستشارين وجد الحل الذي سينهي المشكلة
جنريا أبلغوا جلالة الإمبراطور وإلا تعرضتم لأشنع عقابه جعل التذكير
بأشنع عقاب لجلالة الإمبراطور وزير الداخلية يبلغ رئيس الوزراء بما حدث
ليرفع عن كاهله المسئولية وأبلغ رئيس الوزراء جلالة الإمبراطور وهو
يتحدث في رعب عما حدث من كبير المستشارين السابق المودع في
سجنه وبالرسالة التي طلب أن تبلغ لجلالته ويمجرد أن أنهى رئيس
الوزراء حديثه انتفض الإمبراطور واقفا وصرخ أحضره حالا. أحضره حالا
وأحضر كبير المستشارين السابق من سجنه علي الفور ، ووقف أمام
الإمبراطور واثقا علي غير المتوقع بل أنه جلس بمجرد أن أشار له
الإمبراطور بالجلوس وملا كرسيه وارتكن بظهره ومد رجله ، وكأنه
لا يجلس في حضرة ملك أخرجه لتوه من سجن أودعه فيه وبدا وجهه ذو
بريق انسحب إليه من رأسه التي تختزن ما بحث عنه الإمبراطور طويلا
وما تتعلق روحه به ولم يطق الإمبراطور هذه الثقة المبالغ فيها بل أنه
لوهلة قني ألا يكون هذا اللعين يملك العلاج الناجح حتى يشنقه إلا أنه
استغفر الله وتعالى نفسه ووجه إليه سؤالا مباشرا بصوته الجمهوري

رددته أركان حجرة العرش التي كانت خاوية إلا منهما

- لقيت الحل يا مستشار النكبة ؟

أحس أن روحه ردت إليه عندما لقبه الإمبراطور بالمستشار وإن كان
الحقها بالنكبة فهذه الأخيرة لديه الحل لها وأجابه بثقة و بابتسامة علقها
على وجهه.

- نعم يا مولاي الإمبراطور.

وسدد للملك المتلهف نظرة جعلته يثق أن لدى هذا اللعين العلاج فأمره

- هاته وبسرعة

رد بهدوء

- الموضوع لا يمكن أن يشرح بهذه السرعة. وأنا لن أعطي لأولياء العهد
علاجاً يبتلعونه أو يدهنون به لينتصبوا على أقدامهم وأولياء العهد يا
مولاي لن ينتصبوا على أقدامهم .

انتفض جسد الإمبراطور وإن كان لم يقف وعاجل المستشار بكلمات
حادة كالسكين.

- أيها اللعين لقد حولت حياتي إلى جحيم لا يطاق مالي أنا بمن كان
سيحكم من بعدي مالي أنا إن كان سيكون صالحاً أم طالحاً لقد كنت أتمتع
بحياتي وأحيا في جنتي حتى أخرجتني أنت ووزراء السوء منها علي حلم
أن يكون لي ولي للعهد ولما جاء أولياء العهد حباة عجزتم عن إيجاد

علاج لهم وتأتى أنت الآن لتقول أنه لا علاج لديك ولادوا . ألم تقل أيها
اللعين أن لديك العلاج الناجع ؟ وعلى هذا أخرجتك من سجنك الذي
لا تستحق غيره .

ثم كرر سؤاله كمن وجد دليل إدانة
- ألم تقل أيها اللعين أن لديك العلاج الناجع ؟
كان حذف لقب المستشار قد هزه إلا أنه قالك نفسه في مواجهة
غضب الإمبراطور وقال

- يا مولاي الإمبراطور حفظك الله أنا لم أقل أبدا أن لدي العلاج
الناجع ولكنني قلت أن لدي الحل والحل الجذري لهذه المشكلة.
ضغط المستشار على حروف الجذري وكأنه يفرسها في عقل الإمبراطور
الذي انتصرت ثقة المستشار علي غضبه فانخفضت طبقة صوته وهو
يقول
- أفهم من ذلك أنك ستحل المشكلة دون أن ينتصب أولياء العهد
واقفين .

وجد المستشار الفرصة لكي يدغدغ عواطف مولاه فقال مهللا
- حفظ الله حكمة مولانا وسرعة بديهته .
وأجاب بعد أن اطمأن أنه سيطر على عقل الإمبراطور بمدحه لذكائه
وحكمته

- نعم يا مولاي لدي الحل

سأل الإمبراطور مفتعلا الهدوء

- وما هو الحل ؟

أجاب المستشار بثقة

- الحل ليس بسيطاً يا مولاي الإمبراطور بل إنه نظرية كاملة ليسمح

لي مولاي الإمبراطور أن أنير له كل جوانب نظريتي التي ستكون فتحة
عظيمة لمولاي ولأولياء العهد حفظهم الله.

وتناول المستشار سيجار كوبي فاخر موضوع بعلبة ذهبية علي منضدة

مفضضة تعلو سجادة يتصارع عليها فارس مع أسدين.

وانتظر الإمبراطور حتى أشعل سيجاره وأراد أن يشجعه فأعاد له

لقب المستشار قائلاً :

- قل أيها المستشار

والتهم المستشار المكافأة ومن بين الدخان المتصاعد بدأ حله

- بدأت الحكاية يا مولاي عندما غضبتم علي وصدقت جلالتك فرية

هذا الأفريقي الذي حاول إنقاذ رقبته فادعي أنه أبلغني أن علاج العقم

بدماء القروء لا ينجب إلا حياة وأنني أمرته ألا يبلغ جلالتك ، لما حدث

هذا واستقر المقام في السجن وبأولادي إلي الطرقات وبضياعي وأموالي

إلى توقف المستشار ونظر للملك نظرة ذات معني ثم واصل

. لما حدث كل هذا وبينما أنا جالس في زنبراتي أبكي علي حال
مولاي الإمبراطور وعلي مصير أولياء العهد حفظهم الله وقد هدني طول
التفكير في حل للمشكلة تنامي إلي سمعي صوت قادم من أحد أركان
الزنزانة ففزعت ونظرت إلي مصدر الصوت فلم أجد أحداً فقلت ربما كان
يهياً لي من طول الوحدة في السجن ولكن بعد لحظات تنامي إلي سمعي
نفس الصوت من نفس المكان وقال لي .
. لقد وجدت الحل لمشكلة مولاي الإمبراطور وسوف أهديه لك .
ناولت الورقة التي انتهت عند هذا الحد للكبير الذي ما إن سمع
الشيخ ذو اللحية البيضاء يقول :
. دا جني والله دا جني .
حتي ألقى بالورقة بعيدا وقلقه الفزع فضحك الحاج صبري متسائلا
. جني إيه يا شيخ ؟
رد الشيخ في شيء من الرهبة وثقة
. جني والله يا حاج صبري ، اللي كلم المستشار جني
تسائل الحاج صبري مستهزئا
. والجن مالهم ومال البني أدمين يا شيخ ؟
أجاب الشيخ في غضب .
. مالهم إزاي يا حاج صبري هم الجن إيه والبني أدمين إيه مش كلهم

خلق الله ورينا بيسلط بعض خلقه علي خلقه
تدخل الكبير بلغة العالم
- أنت باين عليك ماتعرفش حاجة في الموضوع ده يا حاج صبري دا
الجن كمان فيهم مسلمين وكفرة.
ويسرعة تدخل الشيخ الذي أغضبه تدخل الكبير
- أي نعم وفيهم كمان يهود وعبد نار وعبد أوثان.
أحدثت كلمة عبدة أوثان بغموضها انبهاراً لدي المتحلقين بالشيخ ذو
اللحية البيضاء وأغاضت الحاج صبري الذي تدخل قائلاً:
- واللي كلمه ده مسلم ولاكافر يا شيخ ؟
أجاب الشيخ بلغة العليم
- إن كان الجنّي اللّي كلمه مؤمن بّيقي ها يدي له حل سليم ، أما إن
كان والعياذ بالله كافر ولايهودي بّيقي هيديله حل مقطرن.
تدخل أحد المتحلقين
- ألا بيتعركوا زي عندنا في البني آدميين ياها الشيخ
امتلاً الشيخ بالسعادة وهو يجيب
- بيتعاركوا وبينهزموا ويبفوزوا وعندهم أسري واحتلال .
قال الحاج صبري وقد أغاظه استيلاء الشيخ علي أبواب الحاضرين
- وعندهم قنابل وينادق زينا يا شيخ ؟

- لا يا حاج صبري هم بيتعاركوا بالسيوف
قالها الشيخ وقاطعه الحاج صبري
- أنت يعني شفتهم يا شيخ ؟
أفزع الجميع رد الشيخ بقدر ما أدهشهم
- أي والله يا كبير أي والله العظيم ثلاثة يا جماعة إني حضرت معركة
من معاركهم الأسبوع اللي فات !
- لازم كنت تقلت في العشا ولا يمكن ستى خضرة كانت بتر فمك
وأنت نايم.

ضحك الجميع والكبير ورد الشيخ محتدا
- اسكت بارقاص يا واطى وماتخوضش لحسن والله يركبك جنى ما
يسيبك طول عمرك.

سأل الكبير الذي أعجبته الثقة في لغة الشيخ
- قول لنا بس يا شيخ شوفت المعركة دي إزاي
- الحكاية يا سيدنا إن الشيخ عبدالرحيم بعث لي رسالة بيلغنى إني
لازم أحضر عنده قبل أذان العصر ضرورى و أنا عارف الشيخ عبدالرحيم
من أيام ما كنا في الكتاب عمره ما بيعت بنده لى إلا إن كان فيه أمر
جلل قلت لازم أروح له ، لبست الجبة والقفطان وحطيت البردعة على
الركوبة وتوكلت على الله الكلام ده بعد ما صلينا الظهر وأول ما خرجت

من البلد قابلني صهد زى اللي بيقول لي إرجع والدنيا نار الله الموقدة
والقيطان فاضية وساكنة وعوى الديابة جاي من ناحية الجنانين ومفيش
صريخ ابن يومين قابلني ولا فيه ورقة شجرة بتلص والشمس بتلسع
والحمارة ماشيه مغمضة عينها قلت يلاوا ترجع بس الشيخ عبدالرحيم
هيزعل قلت لأأروح والى بجرا بجرا ، المهم قبل العصر ما يقول الله
أكبر كنت قدام بيت الشيخ عبدالرحيم ندهت طلح ودخلت وأنا مفرهد من
التعب والحر ، وقبل ما مد ايدي علي لقيت حلفت لازم يقول لي بيعت لي
ليه حلف إنه هايقول لي وأنا بأكل وكان عامل واجب كبير قوي نساني
السؤال لحد ما أكلت اللقمتين .

لقمتين ! دا أنت تلاقيك قيمت بالصينية كلها يا به الشيخ

ليه مفجوع زيك يا رقاص يا بن الكلب ؟

كمل يا شيخ باعت لك ليه ؟

اتاري إن الجن دول طلوعوا حكاية كبيرة قوي يا سيدنا الحكاية إن
كان فيه عندهم دار لأ دار إيه قول قصر وصباحه كان راجل مترش قوي
والدار واسعة وما فيش فيها غير مراته وبنيتين صغيرين وصاحب الدار
كانت عينه زايفة ويتاع كيف ومدلع نفسه علي الآخر ما المال كتير
وهايصرفه فين غير علي الكلام الفاضي ده وما كنش بيقتد في البلد كل
يحي شهرين تلاته غير أسبوع ولا اتنين بالكثير يلم إيجار ولا بيع

محصول ولا بهيمنتين وياخذ الفلوس وتنه ماشي وماحدث يعرف له مكان
لحد ما يدور ويرجع والمسكينة تقعد مستنياه لحد ما يلف ويجيلها المهم
الولية لقت البهايم عماله تطرح وكل يوم يقوم في البيت حريقة يطفوها
وتاني يوم بالليل وبعد الناس ما يناموا توج الحريقة تاني تصوت
المسكينة وتلم الناس يطفوا الحريقة وتاني يوم نفس المرجوع تاني ويتلموا
الناس ويطفوا الحريقة حتي المحصول المتخزن والشونة أكلتهم الولعة لحد
الناس ماتعبروا اشتكوا للعمدة وطلبوا منه يشوف لهم حل والعمدة
بتاعهم راجل جدع حط حراسة علي الدار بردوا الحريقة بعد نص الليل
ولعت أكثر من الأول قام العمدة زود الحراسة بردوا الحريقة ولعت أكثر
وأكثر قام العمدة نفص ايده من الموضوع وقال ده مش شغل بني آدمين
وأنا عمدة علي النبي آدمين بس ، روحوا للشيخ عبدالرحيم يشوف لكم
حل حكم الشيخ عبدالرحيم كلمته مسموعة في البلد وكل ما يقعوا في
مشكلة يلجأوا له ويحلها بعون الله ، وعمل الشيخ عبد الرحيم حضرة
كبيرة قوي في الدار واتنصب الذكر وناس كتير خدتها الجلالة والحلقة
وسعت وخلق الدنيا قاعدين يذكروا لحد وش الفجر وانفضت الحضرة وقبل
الناس ما يوصلوا بيوتهم سمعوا الصوات رجعوا لقوا الحريقة في الدار
وجه للسما ومفيش فايدة ، قعد عبدالرحيم يقرأ قرآن لحد الصبح في كل
ركن وكل مندرة وعلى السطح وحتى لامؤاخذة في زربيه المواشي في كل

مكان ربع قرآن لكن بردوا الحريقة وجت الناس أتملت لحد ما من كتر
الحرايق الدار ما عدش فيها ، الدار اللي كانت زي القصر بقت خرابة
والبلد بقت قائمه على رجل والرعب ملا الناس وماعدش حد عارف يعمل
شغلة إلا والشيخ عبدالرحيم يفتكر واد كان معه في الجهادية من الصعيد
كان قال له علي شيخ عندهم سره باتع الشيخ عبدالرحيم ما كدبش خبر
وتنه رايح علي الصعيد وما رجعتش غير والراجل في إيده وكان لسه
واصل يومها الصبح وبعت لي عشان أحضر الجلسة حكم الشيخ طلب منه
يحضر معاه ناس عارفة ربنا وحافظه كتاب الله ، المهم توكلنا على الله
ورحنا علي دوار العمدة أصله كان حلف يمين الطلاق ما حد مضايك الشيخ
غيره ودخلنا على الراجل في المضيقة وأول عيني ما وقعت عليه قلت الله
أكبر ، ليه ياجدعان حاجة سبحان من له الكمال أنا قلت راجل جاي من
الصعيد لازم هايكون أسمر لقيته أبيض من اللبن الحليب وعنيه زي
البرسيم لاخضر وكان حاطط العمة جنبه وشعره زي الكهرمان وراجل ملو
هدومه طول بعرض بهيبة تخوف الواحد يقرب منه وحواليه نور ما
يشوفوش غير العارفين ، إن جيتوا للحق أنا خفت أقرب منه لقيته بيقول
لي قرب يا شيخ طه ما تخفش قلت اللهم صلى عليك يا نبي وعرفت
اسمي إزاي ؟

ضحك بانث سنانه زي اللولي وقال لي بلغني اللي أنتم بتعلموه في

البلد عندكم ربنا يقويكم ويعلي الجامع كمان وكمان ، ضربت عبدالرحيم
في جنبه وسأله أنت قلت للشيخ إيه عنى ؟ حلف يمين كبير إنه ما جاب
له سيرتى عرفت إن الراجل واصل.

ودخل العمدة وشيخ البلد وتلات رجاله باين عليهم من الأعيان وخذنا
الراجل ورحنا على دار الولية ، الراجل من هيبته مفيش كبير ولاصغير
من أهل البلد كان يشوفه ماشى في السكة إلا ويستخبي ووصلنا الدار
وقبل ما ندخل لف حوالين الدار لفة وهز دماغه وقال خير إن شاء الله ،
ودخلنا مندرة واسعة وبرحة بس سقفها واكله الولعة وقبل ما نقعد قال
لو حد مش متوضي يقوم يتوضا ولو حد مش علي طهارة يقوم بروح
أحسن له ، قام العمدة إتوضى وقام شيخ البلد وواحد من الأعيان
روحوا ، وندھنا على الولية دخلت لقيناها بنت شابة عفية وزى القمر بس
يا خسارة خلفتها كلها بنات قعدها الشيخ في وسطنا وحط إيده علي
رأسها وغمض عينيه وقرا

۔ قرا ايه يا شيخ ؟

۔ قرآن يا كبير بس مش قرآن زي قرآنا لا دا قرآن متنقي آية من هنا
علي سورة من هنا خمس دقائق كدا ولقينا البت نامت قام مددها في
وسطنا وغطاها بشال أبيض من جراب معاه وغمض تاني وقعد يقرأ
وعلمس علي الهوا بإديه وكل دقيقة ينده المدد المدد أنا جسمي شال

وبصيت للشيخ عبدالرحيم لقيته مدفوس ما بين العمدة وواحد ثاني زي
اللي مستخبين في بعض والراجل التالت لقيت وشه زي الكركم وماسك
جلايته في إيده وعينه علي الباب إلا وفجأة الشيخ ينده بعزم ما فيه
ويزعق.

- أنت مين ؟ أنت مين ؟ .. انطق أنت مين وملتك ايه ؟

وفتح عينيه بقت قد عين البقرة وحمر!!! إلا ولقينا اللي بيرد عليه من
جسم الولية.

- وأنت مالك ؟

الراجل التالت جري علي الباب نده عليه الشيخ

- اثبت

قعد وقفاه لينا ، ورد الشيخ

- أنا مالي إزاي أنا عربي مسلم وهي عربية مسلمة أنت بقي اللي مين
وملتك ايه ؟

صاحبنا ماردش قام الشيخ هدده

- ما هو يا ترد يا هاحرقك

رد عليه ببجاجة وبصوت عالي

- مش هاتقدر أنا مش لوحدي

رد الشيخ بصوت أعلي

. لا أنا أقدر أحرقك وأحرق ألف زيك

سأله

. أنت عاوز مني إيه ؟

رد الشيخ

. عاوزك تخرج من عندك أنت واللي معاك وتسببوا الدار وأهلها في

حالهم .

. مش خارج ومش هاسيب الدار وهم اللي لازم يسببوها

رد الشيخ بصوت واطي

. طب قولني بس ، أنت مين ومين اللي معاك وعاوزين إيه

رد صاحبنا ببجاجة

ـ مش قايللك

الشيخ قال له

. طيب أنا هاوريك

والشيخ عزم وقعد يقرأ ويعلي صوته ويوطيه ويقرأ في ودن الولاية

وبعيد عنها لحد ما لقينا الولاية عمالة تضرب برجليها في الأرض

ويأديها في الهوا وهي نائمة زي ما هي الشيخ ما سكتش وتنه يقرأ لحد

ما صاحبنا زعق

. كفاية كفاية حرام عليك كفاية

الشيخ ابتسم وقال

- ماهو يا هاترد يا هاحرقك

رد صاحبنا

- أنا مسلم

الشيخ قال له

- ولما أنت مسلم بتولع في الدار وتسقط البهايم وتحرق الخزين ليه؟

صاحبنا قال

- مزاجي

الشيخ رد بزعل

- أنت بتكذب

رد عليه

- ما بكديش

الشيخ بان عليه إن صبره نفذ وقال له

- لا أنت بتكذب وأنا هأعرف أجيب لك اللي يقررك ويحرقك أنت

واللي معاك

بجح وقال

- اعمل اللي تقدر عليه

والشيخ عزم وطالت قرايته وطال نداه المدد .. المدد ... المدد ، لحد ما

حسينا كلنا إن الشيخ تعب وبقي عرقه مرقه وماعدش قادر يفتح عينيه
وشكينا إنه مش هابقدر عليه إلا ونلاقي صوت غير اللي كان بيتكلم
من شويه بيرد بردوا من جسم الولية

- نعم

الشيخ ابتسم بزعل وقال له

- أنت إتاخرت كدا ليه ؟ دا أنت تعبتني قوي.

قال له زي اللي بيستسمحه

- أصل المشوار بعيد

الشيخ سأل

- أنت جاي من أين ؟

قال

- من مكة المكرمة .. إيه الموضوع ؟

الشيخ قال

- الموضوع إن الدار بتولع والبهايم بتسقط والخزير بيتحرق وابن

الكافرة مش عاوز يخرج ولا يقول هو مين ولا ملته إيه

رد عليه

- سهلة

الشيخ انبسط وقال له

- هاتعرف تخلص الموضوع ؟

- قال له

- سيبي بس أشوف ليه الحكاية وأرجع لك

وماعداش يجي دقيقة ولا اثنين الشيخ مسح فيهم عرقه وهدى
والراحة بانى على وشه ورجع نود تاني والزبون اللي كان عاوز يهرب رجع
من على العتبة وركبه بتخبط في بعضها وقعد ماسك جلابيته ويردوا
عينه على الباب والعمدة والشيخ عبد الرحيم والراجل التالت خدوا أنفسهم
ورجع المكي وقال

- الموضوع كبير قوي

الشيخ سأل بقلق

- كبير إزاي ؟

رد المكي

- دول بهود ملاعين ومتسلحين كويس قوي ومحتلين الدار ومش

عاوزين حد يسكنها غيرهم.

الشيخ قلق أكثر وسأله

- هم كتير ؟

رد المكي

- كتير قوي

سأله الشيخ

- يعني أكثر منكم ؟

المكي قال

- لا .. بس متسلحين كويس قوي

الشيخ سأل

- يعني نسيب لهم الدار ولا هاتعرف تعمل معاهم حاجة ؟

المكي قال بجمديت قلب

- إن شاء الله هانعمل .. بس فيه مشكلة

الشيخ سأل بزهرق

- مشكلة ليه ؟

المكي قال له

- المشكلة إن الجيوش كلها مشغولة وأنت عارف ولاد الكلب دول

فلوسهم كتير ومش سايبنا في حالنا وكل يوم يعملوا لنا مشكله وناس
كتير بيساعدوهم .

الشيخ عنيه احمرت وقال له

- ويعدين ؟

المكي طمنه

- ربنا هايدبرها

الشيخ سأل

- قدامك كثير ؟

المكي رد

- مقدار ما أعلن ندا الجهاد والجيش تتلم ونسلحها وأجي

الشيخ دعا له

- ربنا يعينك وخذ بالك من الجواسيس

والولية سكتت والشيخ سند ضهره علي الحيطه ومدد رجله وإتلفت

حواليه وبص لنا وإتخض كإنه كان ناسينا وبعد شوية ابتسم ، العمدة زاح

الراجل اللي كان لازق فيه وقال

- ايه يا شيخ الحكاية باين عليها كبيرة ؟

الشيخ رد بنص لسان

- الصعب علينا سهل علي الله يا عمدة

العمدة ما سكتش وسأله

- والجيش اللي لسه هابتلم ده لازم قدامه كثير يا شيخ ؟

الشيخ زي اللي مش عاوز يرد

- كله بأوانه يا عمدة

بردوا ما سكتش

- والجيش ده من آني بلد يا شيخ ؟

كز علي نيايه وقال له

- من بلاد المسلمين يا عمدة

خلاها خل وسأله

- والتسليح بتاع الجيش ده ليه يا شيخ ؟

فرغ صبره

- الايمان .. وما تسألش عن اللي مالكتش فيه يا عمدة

العمدة أصله ما كنتش فاهم إن الدار مليانه جواسيس وما بيصدقوا

يسمعوا معلومة يروحوا يبلغوها للعدو علي طول بس الراجل اللي كان

عاوز يهرب باين عليه فهم أصل وشه راح زي الكركم وقال للشيخ وهو

هايموت من الرعب.

- ممكن أستأذن يا شيخ

الشيخ رد عليه بكلمة واحدة

لا .

والزبون روحه كانت هاتسوخ عليه من الرعب ولزق في الراجل التالت

، والشيخ قعد يسبح وعبدالرحيم وأنا قعدنا نقرا والعمدة والراجلين اللي

معاه قاعدين يسمعون ، لقينا المكى بيقول

- كله تمام يا شيخ

الشيخ فرح قوي وقال له

- الجيش فين

المكي قال

- معايا

الشيخ سأله علي المستغني كذا

- كله كله تمام ولافيه حاجة ناقصة ؟

المكي قال بعزم ما فيه

- تمام يا شيخ

الشيخ قام وقف وزعق بأعلي ما فيه

- الله أكبر .. الله أكبر .. الله أكبر .. حي علي الجهاد ..

حي علي الجهاد

والدنيا إطريقت يا رجاله والولية تشيل رجلها وترقعها في الأرض
وتشيل إيديها وترقعها في الأرض وتتلوي زي التعبان والدار بقت عفره
وما حدش عاد شايف حد ومش سامعين غير صوت الشيخ بيزعق الله
أكبر أنا قلت الله أكبر والعمدة وعبدالرحيم والراجل التالت كبروا بصوت
عالي وماعدش حد حاسس بنفسه والعرق غرقني قمت واقف وكبرت بعزم
ما فيه وضربت بإيديه في الهواء إيدي جت في حد رمته علي الأرض زعقت
الله أكبر الله أكبر والشيخ صوته كان يجيب لآخر البلد والناس هملوا برا
الدار وكبروا والدار قامت حريقة وانظفت لوحدها وقامت تاني وانظفت

لوحدها والمنذرة التي قاعددين فيها وحت ولعة والشيخ زعق جم هنلا
.. حاصروهم .. دخل الميمنة في المنذرة وخلي القلب علي الباب والمنصرة
علي باب الدار .. خلي المقدمة تهجم والمؤخرة تحلق عليهم .. اثبتوا يا
جند الله النصر لكم .. إما تريدون إحدى الحسينين النصر أو الشهادة ..
الله أكبر والمنذرة انطلقت لوحدها والشيخ خلع الجبة والقفطان .. وجرى
في وسط الدار وهو عريان ويقول طاردوهم .. طاردوا جند الشيطان يا
جند الله .. طاردوا شردوهم كل مشرد .. لاتدعوهم إلا قتيلاً أو أسيراً
وطلع علي السطح وأنا في ديله وقعد يشور علي الأسطح التي عماله
تولع وتنطفي ويقول طاردوا جند الشيطان يا جند الله ويكبر الله أكبر
الله أكبر والبلد كلها تكبر وراه ويزعق ويقول زلزلوهم بالتكبير والبلد
تكبر وتكبر والولة وحت في نخل علي شط بركة برم البلد وأطفت
لوحدها وماولعتش ثاني والشيخ رقص وهو يقول الله أكبر لقيد من
الله علينا بالنصر الله أكبر الله أكبر لقد من الله علينا بالنصر
والنسوان تزغرت والعيال تصفر والرجالة يعبطوا في بعض والشيخ
إدير وعبطني ونزلت فيه بوس وخذني ونزلنا نظمنا علي الولة
والتراب والعفرة خفوا ولقينا الولة متكومة ورا الباب والعرق
خلي التراب علي وشها بقي طينة ولقينا العمدة واقف علي حيله
وراسه منكوشة ومتعفرة والعرق مفرقة وطاقيته مرمية علي الأرض
والراجل الثالث عمال يعيط وصاحبنا الذي كان عاوز يستأذن لقبناه

مغمي عليه وصيت لقيت عبد الرحيم مرمي علي الأرض والدم نازل من
بقه قلت له أنت اتصبت يا حلو وفوقنا عبد الرحيم وهدينا الرجل اللي
كانت وخداه الجلالة ويعيط الرجل المغمي عليه سبناه مرمي في الركن
وشلنا الولية وحطناها قدام الشيخ والشيخ عزم وقعد يقرأ ومفيش دقيقة
ولقينا المكي بيرد

- نعم

الشيخ سأل به فرحة

- أنتم خلصتوا

المكي قال به فرحة

- الحمد لله

الشيخ سأل

- قضيتوا عليهم كلهم ؟

رد المكي

- بفضل الله

الشيخ قال له

- بس تعبروكوا ولاه الكلب

المكي قال له

- لاتعبونا ولا حاجة دول جينا أول ماسمعوا الله أكبر الرعب ملاهم.

الشيخ سأل والفرحة بتنط من عينيه

. وأسرتوا كثير

المكي ضحك وقال

. لأبس ما سيناش واحد فيهم حي

الشيخ ضحك وقال له

. تسلم .. بس أنا عاوز منك خدمة تانيه

المكي سأله

. خدمة ليه أنت تأمر ؟

الشيخ قال له

. أستغفر الله الأمر كله لله إنما أنا كنت عاوزك تسبب كتيبة ولا

رية من عندك حراسة علي البلد عشان ما حدش يفكر يعمل حاجة تاني.

المكي رد بأدب وإحترام

. حاضر هاسبب كتيبة اللي يجي هنا هاطيروا رقبتة.

الشيخ قال له

. مع ألف سلامة مع ألف سلامة ربنا يكرمك مع ألف سلامة.

المكي قال

. السلام عليكم ورحمة الله.

ورديننا كلنا

- وعليكم السلام ورحمة الله وبركاته.

والشيخ عزم ومفيش دقيقة ولقينا الولية صحيت وفاقت ومسكت إيد
الشيخ وقعدت تبوس فيها وتقول أنا فقت وجسمى فاق يا مولانا ووطيت
أنا وعبدالرحيم والراجل الثالث بوسنا إيده والعمدة باس رأسه مد له إيده
وقال له هنا يا عمدة باس العمدة إيده

- يا نهار منيل دي الحكاية باين عليها صدق

قالها الذي يقلقل نهايات الكلمات ورد عليه الشيخ ذو اللحية
البیضاء قائلا

- اخص عليك راجل واطي هو أنا يعني كنت هاكذب.

وتلفت الشيخ يبحث عن أثر حديثه في وجوه المتجمعين فلما جمع ما
يرضيه من الإعجاب والخوف والتأثر بحديثه عادت عيناه راضية وأفسح
المجال للحاج صبرى الذي كان يتابع حديثه بنصف عقل أما النصف
الثاني فكان يشارك الكبير محنتهما التي وقعا فيها فلما أحس بثقلها
أراد أن يزيحها فخاطبيني قائلا

- شوف ورقة تانبه يا بني وإقراها وسرعة لحسن الشيخ ضيع ساعتين
مننا.

فلما أجابته يداي الخاويتان مد يديه إلي الصندوق وناولني ورقة فكان
بها

ورقة رقم (٦)

فقلت للصوت الأتى من ركن الزنزانة

. هات الحل وسرعة أكرمك الله إن كان لك إله

فقال لي الهاتف

. إذا كان ولاية العهد حياة ولا يمكن أن يقفوا منتصبين علي أقدامهم

وقد أصبح هذا أمر واقع من المستحيل تغييره فلم لانغير الناس

ليصبحوا حياة

. إنك مجنون مجنون إن طول مكوثك في السجن بعدما كنت فيه من

النعيم جعلك تهذي لابل سولت لك نفسك أنك بهذه السهولة يمكن أن

تعود إلي نعيمك المفقود إن شيطانك الذي ألقى لك بهذا الحل إنما ألقى

بك إلي حتفك.

علق الشيخ ذو اللحية البيضاء .

. يبقى كافر أو يهودي الله يلعنه عاوز يخلي الناس يمشوا زي القروء

وواصلت القراءة بأمر من عيني الحاج صبري

فقفز المستشار عن كرسيه وجثي علي ركبتيه وأمسك بقدم

الإمبراطور الذي كان ينادي علي حراسه.

. أستحلفك بالله يا مولاي الإمبراطور أستحلفك بكل عزيز لديك

أستحلفك بأولياء العهد.

دفعه الإمبراطور يقدمه قاتلا

ـ أولياء العهد الذين أخفيت عني أنهم سيكونون حياة كالقروء

قفز المستشار إلي قدمي الإمبراطور وهو يقول

ـ اقطع رقبتى يا مولاي علقنى فى ميدان عام اقتل عائلتى وأهلى بل

اقتل أولادى إن لم يعجبك حلّى ولكن استمع لى حتى أنهى حديثى يا

مولاي لقد أعطيتنى الأمان وطلبت أن أتحدث بإسهاب فاستمع لى يا

مولاي.

قال الإمبراطور وقد زال بعض غضبه

ـ أأستمع إلى هذيانك أيها الشيطان اللعين

تبلى وجه المستشار بالرعب وإن كان الذعر قد خفت حدته وقال لعلك

تقتنع ويكون فى هذا الحل خير لك ولأولياء العهد حفظهم الله وإننى

أراهن برقبتى ورقبة أولادى على هذا الحل.

جعل رهان المستشار على رقبتة ورقبة أولاده الإمبراطور يأمر نفسه

بالهدوء ويأمر حراسه الذين حضروا على الفور بالانصراف فما يضيره لو

استمع لهذا اللعين وإن لم يعجبه الحل فيسبى غليله ليس به فقط بل

وبأولاده أيضا فعاد إلى جلسته وأمر المستشار فعاد إلى مكانه ويعد أن

استوى المستشار على كرسيه مرتعبا قال له الإمبراطور بكلمات نسجها

من سخريته وتوعده

ـ أكمل أيها الشيطان

فقال المستشار وهو يحاول أن يتحسس كلماته قبل النطق بها
- أقسم برأس مولاي الإمبراطور أنني قلت للخاطر أنه متجشون بل
أنني قلت له أنه حقير إلا أنه قال لي
- ألم يكن كل البشر في الأصل حياء ؟
فأجيبته بلى ، فقال لي
- أولا تحبو الإمبراطورية في كل المجالات ؟

فأجبتة حتى وإن كانت الإمبراطورية تحبو في كل المجالات فإن مولاي
الإمبراطور بريء من ذنبهم فقد حاول أن يصلح حالهم بكل ما أوتي من
قوة وقد بع صوته ليجعلهم شعباً عاملاً لا شعباً كسولاً عاطلاً وقد
ناشدهم أن يربطوا علي بطونهم مرارا وقد وجههم بكل قوته وكل أجهزة
الإعلام ليتوقفوا عن إنجاب المزيد من البائسين الذين يلتهمون كل
معدلات النمو ولكنه كان كمن يذق جرساً وسط مدرسة للصم والبكم
وكان كلما حاول زادوا في عنادهم حتى تأخرت الإمبراطورية وجاع
أهلها.

قال هذا ونظر إلي الإمبراطور ينتظر مكافأة دفاعه عن جلالتة أمام
الخاطر فأحس أن الإمبراطور بدا راضياً فواصل حديثه.
فقال لي الخاطر

- دعك من السبب الآن المهم النتيجة أليست الإمبراطورية تحبو في

كل المجالات.

فقلت له للأسف يلي ، فقال لي

- إذن ما العجب في أن يكون أولياء العهد كلهم من الحباة إنهم أبناء
زمنهم وإنهم أصلح من يتولي حكم الناس فإنه وإن كان الناس حباة في
معيشتهم وفي حالهم فإن أولياء العهد حباة بالفطرة لقد جعلهم الله حباة
لأنه يعلم أنهم سيحكمون أمة من الحباة هل يمكن أن ترفضوا حكم الله أو
تتحدوا إرادته.

قاطعني الشيخ الذي جعل من نفسه خبيرا

- بكلامه ده يبقى مؤمن

فأكملت

قال الإمبراطور

- معاذ الله أن ترفض حكمه أو تتحدي إرادته

ثم أكمل من بين شفتيه المتسمتين

- أكمل أكمل ايها المستشار

كانت كلمة المستشار من بين شفتي الإمبراطور الراضي المتسم وكأنها
أعادت له كل نعيمه المفقود فبدا راضيا مطمئنا وهو يضيف قائلا:
- فقلت للخاطر معاذ الله أن يرفض مولاي الإمبراطور حكم الله أو

يتحدي إرادته فقال لي الخاطر

إذن فقد اتفقنا .

ولكن كيف يمكن أن نجعل الناس يمشون كالحبابة ، إنهم وإن كانوا
حياة في الأصل وحياة في معيشتهم وأحوالهم فإنهم سيرفضون رفضا
قاطعا أن يجعلوا الحبو طريقة لشيهم وسينبري المفرضون أعداء
الإمبراطور والوطن ليهاجمونا وسيؤلبون الناس علينا وعلي مولاي
الإمبراطور

فقال الخاطر

مادما قد اتفقنا علي النظرية فمن السهل تطبيقها

فقلت للخاطر أمن السهل أن نجعل الناس يمشون حياة كالقروود !
واعطاني ورقة بعد أن تبادل مع الحاج صبري نظرة ذات معني فكان بها
صفحة رقم (٧)

فقال لي الخاطر

نعم من السهل أن نجعل الناس يمشون كالقروود

فقلت له

هل أجعل مولاي الإمبراطور يصدر أمرا بجعل الحبو مشية رسمية

للإمبراطورية ؟

فقال الخاطر

وهل سيطيع الناس الأمر ؟

فقلت له

- بالرغم من حب الشعب لمولاي الإمبراطور وطاعتهم له إلا أنه من الصعب أن ينفذ الناس أمرا كهذا

فقال الخاطر

- إذن لتدعني أشرح لك الخطة المحكمة التي يمكن بها جعل الناس يمشون حياة كالقرود حتي وإن كانوا في ريعان شبابهم.

فقلت له

- إذا كانت الحكمة القديمة لديكم تقول (إن الناس علي دين ملوكهم) فماذا تعني هذه الحكمة تعني أن الناس يتبعون ملوكهم في أغلي ما يملكون وهي عقيدتهم وإيمانهم ، وما هو الدرس الذي يمكن أن نستفيد به من تلك الحكمة الدرس الاساسي هو أن البداية التي لا بد منها ولا بديل عنها هي مولاك الإمبراطور المعظم ولتسمع خطتي :

ليبدأ مولاك الإمبراطور بالمشي حبوا فإذا سأل المقربون من جلالتهم كالوزراء والمستشارين وعلية القوم عن سر هذه المشية لمولاهم الإمبراطور هل أصابه مكروه فلم يعد قادرا علي المشي علي قدميه فليقل لهم كلا إن مولانا الإمبراطور يفضل هذه المشية عما سواها وأنه يرغب في أن يمشي كل من يريد لقاءه أو الاجتماع به هذه المشية عندئذ سيضطر كل من يريد لقاء الإمبراطور أن يمشي حابيا كالقرود أثناء دخوله واجتماعه وانصرافه

وليستمر هذا الأمر لبضعة أسابيع ثم ليدعو جلالة الإمبراطور إلى اجتماع وزاري يحضره جلالته والمستشارون والوزراء وأن تكون المشية الرسمية للاجتماع هي الحبو ومن لا يحضر هذا الاجتماع فهذا معناه أنه يرفض الحبو وبالتالي يعزل هذا المعارض أيا كان موقعه . عقد هذا الاجتماع بالفعل ولم يغيب عنه سوي وزير واحد ومستشاران وتم بالفعل عزلهم في تغيير وزاري محدود . الخطوة التالية لذلك هي أن يعلن مولانا الإمبراطور للوزراء والمستشارين أنه سوف تصعد إليه تقارير عن من يمارس مهام عمله أو يجتمع بمساعديه دون أن يكون الحبو هو المشية الرسمية لهم . تم في هذه المرحلة التخلص من بعض الوزراء والكثير من مساعدي الوزراء في مذبحه إدارية . والخطوة التالية لذلك هو أن يبلغ جلالة الإمبراطور الوزراء والمستشارون أنه لما إلي علم جلالته أنهم اتبعوا الحبو مشية رسمية في عملهم وخارجه مما أسعد جلالته إلا أن الأمر الذي أغضب جلالته هو وصول تقارير أخرى تشير إلي أن بعض المساعدين يزورون مواقع العمل بل ويمارسون كل أعمالهم بدون أن يكون الحبو هو المشية المتبعة في هذه الاجتماعات والأعمال وأن جلالته جد غاضب وأنه أعطي فرصة أخيرة لهؤلاء الوزراء والمستشارين ليتابعوا ما يحدث في نطاق مسؤولياتهم ، عندئذ سوف يتابع الوزراء والمستشارين مساعديهم وسوف يأمرهم بممارسة أعمالهم وهم حباة . نكون بنهاية

تلك المرحلة قد ضمنا أن من يتحكمون في مصائر العباد قد أصبحت الغالبية العظمى منهم حبة وعندئذ يتم إنشاء حزب سياسي يرأسه جلالة يقتصر الانضمام إليه علي الحبة فقط ويجب أن يسيطر الحزب علي الانتخابات وبأغلبية كأسلحة . تم هذا بالفعل . وبعد ذلك يجعل الحزب المشية الرسمية لكل وسائل الإعلام وخصوصا المرئية . بالفعل وذات صباح بعد سنين من خروج المستشار من السجن أطل المذيع من شاشة التلفزيون وهو جالس كالقرد وأمامه ضيف يجلس نفس الجلسة ويتحدث بمنتهى الحماس عن حجم الحريات المتاح في هذا العهد والذي لم يسبق أن تنسم الناس بعض عبيره في أي عهد من العهود السابقة وبعد أن انتهى البرنامج تم الانتقال إلي إذاعة خارجية لنقل جلسة مجلس الأمة الصباحية فظهر رئيس المجلس ووكيلاه وقد اعتلوا المنصة وجلسوا علي مؤخراتهم ورفعوا أرجلهم وأيديهم في الهواء قاما كالقروء إلا أن رئيس المجلس كان يمسك ناقوس بقدمه الخافية يعلن بدء الجلسة الخامسة عشر من الفصل التشريعي الرابع واستدارت الكاميرا علي الأعضاء فإذا بالسواد الأعظم منهم يجلسون نفس الجلسة والغريب أنهم كانوا يصفقون بشكل شبه مستمر إلا أنهم كانوا يصفقون بيد واحدة علي خد واحد.

تقدم الطبيب الذي كان قد أعد الجرعة الثانية من المهدئ ليطلب من

المسجي أن بصمت إلا أن المسعف النحيل اعترض طريقه وأمسك بيده

وهو يقول

. استنى يا دكتور وحياة الغاليين عندك أسأله عن عنوان الشيخ

الواصل قبل ما تحقنه.

اكتست ملامح الطبيب الشاب بالدهشة وتدخل المسعف الضخم قائلاً

. والله يا دكتور الموضوع مهم والمشكلة الي عنده ما يحلهاش غير

الشيخ الواصل.

تحولت الدهشة علي وجه الطبيب الشاب إلى غضب وقال

. شيخ واصل ايه احنا ها نعالج الراجل ولا ها نتشعوذ وبعدين أنتم

مجانين اللي يعرف عنوان الشيخ الواصل هو الشيخ طه والشيخ طه

كانت دقنه بيضا من اكثر من خمسين سنة دا إذا كان المصرى بيقول كلام

حصل مش بيخرف.

وأزاح الطبيب المسعف النحيل وهو يكمل

. وسع أنت وهو خيلنا نشوف شغلنا

انتحي المسعف النحيل جانباً وتقدم الطبيب واقترب من أذن المسجي

وناداه بعنو وخفوت

. بطل كلام يا عم مصري

فصمت المصري وعدي المسعف الضخم ذراع المسجي وحقنه الطبيب فلم يتأوه.

وقبل أن تحف مياه حوارهم وتعود الجزر المنعزلة للظهور مرة أخرى رمق الطبيب الشاب المسعف التحيل الذي كان يقف كشجرة ضامرة فرَّوعه ما به من انكسار فسأله برقة .

- إيه يا حنفي المشكلة اللي عامله فيك كدا وكانت مخلياك متجنن علي عنوان الشيخ ؟

بدا أن حنفي كان في انتظار السؤال ليزيح عن نفسه همومها فقد رد في تأثر قائلًا:

- ياه يا دكتور دا أنا مشكلتي مشكلة . مشكلة مالهاش حل ، مالهاش حل غير عند الشيخ اللي طفا الحريقة أمال أنا كنت هاتجنن وأعرف عنوانه ليه ، ياه دكتور دا أنا ماعدش فيه من التعب والفكر والنكد.

عاد وجه الطبيب الشاب سمحا طفوليا كما خلق وقال

- ايه بس اللي تاعبك ؟

ابتلع حنفي أكبر كمية من الهواء عليها تلتف بعضا من نيران همومه ثم زفر الهواء قائلًا :

- ياريتني عيان يا دكتور يا رتني عيان كنت هالاقى الدوا ولو
مالقتوش كنت هاسلم أمري لله وأتوجع ولما يهدني التعب هانام بس أنا
عيان يا دكتور ، عيان بحاجة عجيبة ، تصدق أنا عيان بإيه يا دكتور
أنا عيان بأمي أيوه يا دكتور أمي هي عيايا.

سألت الدهشة التي علت وجه الطبيب الشاب

- عيان بأمك إزاي ؟

نثر حديث الطبيب بعضا من الألفة حول حنفي فقال

- أقول إيه يا دكتور وأعيد إيه .. طب أقول إيه .. أقول إن أمي بقت
متجوزه حداش ولا اتناشر مرة والله ما عدت عارف أمي اتجوزت كام
نفر، أهو كل كام شهر يجي راجل يقعد معايا أنا وأخويا وبعد كام يوم
يجي ياخذ أمي وشنطة هدومها وزغرودتين ويحشي وبعد كام يوم ولا كام
شهر نلاقي أمي راجعة لوحدها ، أقول إيه بس يا دكتور وأعيد إيه
أفضح نفسي أكثر ما أنا مفضوح أقول إن مرات أخويا العايقة
البصاصة قليلة الحيا فرخة بكشك عند أمي وإن مراتي الغلبانة اللي ما
بيقوتهاش وقت متصورة لأمي عفريتة ، أقول إيه بس ولا أعيد إيه يا
دكتور.

صمت حنفي وتحذت نياحة عنه دموع ترقرت في عينية مما دفع

الطبيب الشاب للقول.

- هي أمك ما كانتش موافقة علي جوازكم ؟

قال حنفي

- كانت موافقة

سأل الطبيب

- مراتك بتعامل أمك وحش ؟

زايلت حنفي نوبة الغضب فتوجه للطبيب قائلا

- سامية عمرها ما زعلت حد يا دكتور دي سامية دي شيخخة بحق

رينا بتصلى الوقت وعمرها ما بتجيب في سيرة حد وراضية وصابرة

ونفسها هادي ومحدث بيسمع لها جس.

سأل الطبيب محاولا إبداء الاهتمام

- أمال أمك ما بتحبهاش ليه ؟ بقي ست بالشكل ده فيه حد ما

يحبهاش ؟

تأثر حنفي بمدح الطبيب فثار قائلا

- ما هو ذا اللي هايجنني يا دكتور ومخليني متأكد إن فيه عمل

معمول لامي بكرة مراتي

لم يستطيع الطبيب منع نفسه من القول

. أعمال إيه وتخاريف إيه يا جدع أنت

تدخل المسعف الضخم قائلاً

تخاريف إزاي يا دكتور دي لازم معمول لها عمل هو رينا مش ذكر

السحر في القرآن يبقى تخاريف إزاي

انفعل الطبيب قائلاً

رينا كان بيتكلم عن الفراعنة والبابليين ودول من كام الف سنه

ويعدين ليه مقيش سحر في أوروبا ولا أمريكا هو معمول لنا لوحدها ؟

لم يمنع غضب الطبيب المسعف الضخم من القول

. إزاي يا دكتور هو أنت هاتعمل دين لوحدهك

القي الكلمات وأحس أنه تجاوز حدوده فانكمش علي كرسية وعلت

الحمرة وجهه الذي حاول إخفاءه بالنظر الي الساعة الهرمة الراقدة فوق

النافذة المفتوحة .

بدا الطبيب غير راغب في مجادلته إذ لم يوجه رده إليه بل توجه به

إلي حنفي .

. ومارحتش تفك العمل ليه يا حنفي ؟

أجاب حنفي بيأس.

- رحت يا دكتور وكل اللي رحت لهم قالوا إن ده عمل سفلى وحاولوا
يفكوه ماعرفوش أمال أنا كنت هاتجتن علي عنوان الشيخ ليه أنا اللي
عارف قيمته.

قال الطبيب كمن وجدها

- طالما الموضوع كذا ما تعزل وتسبب البيت والمشاكل دي كلها .

أجاب حنفي بمرارة تشبه السخرية

- أعزل أروح فين يا دكتور ؟

أصر الطبيب علي حله وقال

- يا أخي الشقق كتيرة

تساءل حنفي بذات المرارة

- بكام يا دكتور ؟

بدا الطبيب في نظر حنفي ساذجا وهو يقول

- ممكن تلاقي شقة أوضة وصالة في حدود مية جنيه

سخر حنفي من سذاجته

- في السنه يا دكتور ؟

ابتسم الطبيب ابتسامة غاضبة وهو يقول

. أنت هاتهرج في الشهر طبعاً

عاودت حنفي المراءة والسخرية وهو يسأله

. أنت عارف أنا بقبض كام في الشهر يا دكتور ؟

ولم ينتظر حنفي الإجابة بل واصل قائلاً

. أنا شغال بالأجر بعقد يعني ، عقد سنة وياتجدد ويا ما تتجددش

واليوم بخمسة جنيه ، يعني لو اشتغلت الثلاثين يوم كلهم هاقبض ميه

وخمسين جنيه في الشهر ولو غبت يوم بتتخصم أجرته ولا فيه تأمين

ولافيه معاش ولا يحزون.

اندفع الطبيب قائلاً

. ويا أخي أنت إيه اللي جابرك علي كذا ما تشوف لك شغلة تانية ؟

اندفع حنفي قائلاً

. إيدي علي كتفك يا دكتور تعرف تشوف لي شغلة تانية ؟

كانت يد حنفي ثقيلة علي كتف الطبيب إذ أنه تراجع عن فكرته علي

الغور قائلاً

. يعني مش ممكن تثبت ؟

أجاب حنفي بأمل

. ممكن طبعاً

سأل الطبيب بتعاطف

. طب ليه لا ؟

أجاب حنفي بمرارة

- أسأل المدير

تسأل الطبيب

- مدير المستشفى ؟

أجاب حنفي بحذر وتوجس

- أيوه مدير المستشفى هو اللي في إيده يثبتني

سأل الطبيب بتعجب

- وما يثبتكش ليه ؟

زاد الحذر والتوجس في عيني حنفي وهو يجيب

- أهو

أحسن الطبيب بالحذر في كلمات حنفي فسأله

- أهو يعني إيه ؟

قللك الحذر من حنفي وهو يقول

- أهو خلى الطابق مستور يا دكتور

أغضبه حذر حنفي منه فقال غاضبا

- طابق إيه ومستور إيه ما تتكلم علي طول بلاش لف ودوران

قللك الحذر من حنفي تماما فقال

- لائف ولا دوران يا دكتور أهو سعاده بيهاول يهتني ومش عارف

وهو ها يعمل إيه أهو بيعمل اللي رينا مقدره عليه

أحسن الطبيب بعدم صدقه فسأله

- هو ثبت غيرك

بدا حنفي مضطرا للقول

- ثبت

سأل الطبيب

- إشمعني أنت ما تثبتش ؟

قالها بلامع ود وتضامن مما أخرج حنفي عن بعض حذره فقال

- أقول لك بس تحلف ما تجيب سيره لحد ؟

علت ملامح الطبيب ابتسامة موافقة وقال

- قول

أصر حنفي علي التأكد فقال

- احلف

لم يجد الطبيب بدا من القول بغضب

- والله ما أنا قاييل لحد

تخلص حنفي من بعض حذره وقال

- عاوز المعلوم

سأل الطبيب بذهول

- فلوس يعني؟

أجاب حنفي بتوجس

- ايوه

علت ملامح الطبيب الطفولية موجات من الألوان وقال بذهول

- يا نهار أزرق

قال حنفي بتوجس يكاد يكون رعبا

- أنت حلفت لي يا دكتور

قال الطبيب وهو يحاول الخروج من وقع الصدمة

- عارف إني حلفت لك قول ماتخافش عاوز منك كام

فقال

- خمس تلاف جنيهه منهم واحد عشان يشغلني بالأجر وعاوز الأربعة

الباقين عشان يشبتي

قال الطبيب الذي لم يكذب يخرج من وقع الصدمة الأولى

. أربع تلاف جنيه المفتري؟!

تنهد المسعف الضخم وهو يقول

. خمسة خمس تلاف يا دكتور

ردد الطبيب المذهول الكلمات وراءه

. خمس تلاف جنيه ؟!

أحس حنفي بالخوف علي تأكيد الطبيب من وقع الصدمة علي وجهه

فقال

. ماهم مش له يا دكتور هو بيقول إنه مايباخودش منهم حاجة وإن

سعاداته بيعملها خدمة لوجه الله إنما المبلغ ده بيوصلوا لواحد في المديرية

عشان يسلمه للرجال اللي بيعين في الوزارة.

. كمان؟

قالها الطبيب الذي زادته كلمات حنفي ذهولا إلا أن الذهول الذي بدا

عليه الطبيب المصدوم أغضب المسعف الضخم الذي تدخل سائلا

. إيه يادكتور أنت مش عايش في الدنيا ولا إيه الدنيا بحالها ماشيه

كدا اليومين دول

أجاب الطبيب الذي لم يغضبه كلام المسعف الضخم رغم نبرة

الاستهزاء التي لفته.

. أنا كنت بحسب الواسطة ودفع الفلوس في الوظائف الكبيرة والمهمة
بس ، زي الشرطة والنيابة والجيش والمراكز الحساسة الثانية إنما باين عليا
ما كنتش عايش صحيح وأنا كنت هاعيش وأعرف من أين ؟ أنا بذاكر
ويس بقالي خمسة وعشرين سنة الدنيا كلها عندي طب وتشريح وأدوية
وفسيولوجي وبيولوجي دا أنا حتي ماكنتش أعرف إن الشرطة والنيابة
بالواسطة والفلوس غير لما بابا حاول يدخل اخواتي فيهم أنا باين عليا
اتريت غلط ...

أحسن المسعف الضخم أنه نكأ جراح الطبيب فقال معالجا
. معاذ الله يا دكتور دا حضرتك مؤدب وذوق وابن ناس قوي .. تحدث
الطبيب إلي نفسه وكأنه لم يسمعه

. الله يرحمك يا بابا كنت شايل كل الهموم ومفرغنا لمذاكرتنا ويس
ذاكر كويس يا بني اعمل الواجب اجتهد عشان مستقبلك لوعاوز درس
خصوصي تاني قول لي ولما دخلت الطب .. الشباب اللي زيك هم اللي
هايربحوا البلد ويخلصوها من المرض الناس غلابة ومحتاجين اللي
يعالجهم زمان فلان مات عشان مالمقيوش دكتور يعالجه زمان فلانه ماتت
علي إيد الداية ، ولايمكن كان عارف كل حاجة ومريضيش إن ولاده
يكرهوا بلدهم ..

تدخل حنفي برقة

. أنا مثل قلت لسعادتك بلاش أتكلم كل واحد فيه اللي مكفيه أنا

أسف يا دكتور زعلت حضرتك ونكدت عليك.

أخرجت كلمات حنفي الطبيب من ذهوله فعاد الي ابتسامته الطفولية

وإن كانت مغللة بالمرارة وقال

. ما تدفع يا حنفي وتتعين زي غيرك

أجاب حنفي بسخرية حاول بها الترفيه عن الطبيب

. سامية بتقول حرام وأمي بتقول أجيب لك من أين مع إن أمي معاها

معاها أكثر من كدا بكثير.

وأكد المسعف الضخم

. معاها يا دكتور معاها

سأل الطبيب

. وارثه يعني ولا عندها معاش ؟

ضحك المسعف الضخم فلاحت أسنانه الصفراء وعاد وجهه الضخم

لقبحه قائلا

. ها تورث إيه من عربي مات عنده غيرها ثلاث بنات وخمس رجاله

وحرمتين ويعدين معاش من أين من أبو حنفي العربي ويعدين هم اللي

بيقبضوا معاشات بيبقي معاهم آلافا

نظر الطبيب لحنفي الذي أغضبه المسعف الضخم بكلماته الفجة وقال

- آمال معاهها من أين يا حنفي ؟

لم ينجح حنفي في الخروج من غضبه فتدخل المسعف الضخم

- أصلها كسبية يا دكتور

وجه الطبيب سؤاله لحنفي بابتسامة ودودة

- والدتك شغالة إيه يا حنفي ؟

كاد حنفي ينطق عندما سبقه المسعف الضخم

- دلالة يا دكتور

سأل الطبيب بعد أن نظر إلي المسعف الضخم شزرا

- والدتك بتبيع إيه يا حنفي ؟

أسعدته نظرة الطبيب الغاضبة للمسعف الضخم فقال

- بتبيع حاجات كتير يا دكتور في الشتا بتبيع أنابيب البوتاجاز

سأل الطبيب

- ودي بتكسب يعني ؟

أجاب حنفي

- طبعاً بتكسب يا دكتور ، أمى بتاخذ أنبوية البوتاجاز من المخزن

بتاع الأنابيب بتلاتة جنيه إلا ربع وتبيعها بخمسة جنيه بتاخذ تلاتين

أربعين أنبوية في اليوم واحسبها أنت بقى

سأل الطبيب

- وهى من حقها تاخذ الأنابيب دى كلها ؟

أجاب حنفى متعجبا من سؤال الطبيب

- من حقها تاخذ بس تاخذ أنبوية واحدة زي الناس وتقف فى الطابور

نص يوم عشان تستلمها

سأل الطبيب

- فهمنى بقى إيه اللي بيحصل ؟

أجاب حنفى

- الحكاية يا دكتور مش فردة ولا بلطجة الحكاية إتفاق مع صاحب

المخزن هو بيديها الأنابيب وهى بتزوده نص جنيه عن سعر الأنبوية

سأل الطبيب

- وما بيخفوش من بتوع التموين ؟

أجاب حنفى مبتسما

- بتوع تموين إيه يا دكتور ده اللي مش حرامى منهم ومرتشى بيخاف

من أمى واللى زيها.

سأل الطبيب متعجبا

- بيخافوا ليه ؟

أجاب حنفى بابتسامة فخر

- بيخافوا ليضربوهم يا دكتور أى والله بيضربوهم أنت متهيألك حد

من بتوع التموين يقدر يقرب من أمي بعد اللي عملته.

لم ينتظر حنفى سؤال الطبيب المتعجب بل واصل

- مرة يا سيدي كانت جايه الأنابيب على العربية الكارو بتاعتها

وماشية بيها فى وسط الخلق وهما واقفين من صباحية ربنا فى الطابور

وخناق وعراك على الدور ، واحد افندى منهم جرى نده على مفتش قموين

صاحبنا جه يجرى لحق أمي على باب البيت وهى بتنزل الأنابيب صاحبنا

مسك الأنابيب وقال لواحد كان جاي معاه إنده للمركز ووقف ناقش ريشه

زى اللي أخذ نيشان ويتكلم مع الناس اللي عمالين بتحيلوا عليه

يسببها تاكل عيش وعمال يزعم ويقول حق الناس أنابيب الغلابة إلا

ولقى كف نازل على قفاه وشلوط رمية على الأرض ولقى أمي راكبه فوقه

وصاحبنا يتفلفص يمين وشمال وهى نازله فوقه طحن لحد ما خلت وشه

شوارع ومحدث قدر يقرب منها لحد المفتش ما أغمى عليه أمي قامت

دارت الأنابيب وخبطت دماغها فى الحيطه وجريت على المركز ومن المركز

للمستشفى عملت تقرير طبي ومحولوا الاثنين على النيابة هي عملت له
قضية هتك عرض وجناية إصابة أدت لعلاج أكثر من واحد وعشرين يوم
وهو عمل لها قضية اعتداء على موظف أثناء تأديته عمله.

سأل الطبيب بضحكة طفولية

- والنتيجة ؟

أجاب حنفى وهو يكتم ضحكته.

- ساق عليها طوب الأرض عشان تتنازل عن القضيتين ويتصالحوا

لحد الراجل ومديره ماجم وباسوا دماغها وفى النهاية معتقتهوش غير لما
لهفت منه ألف جنيه واشترطت عليه بنقل نفسه.

سأل الطبيب متعجبا

- ونقل نفسه ؟

قال حنفى بفخر

- طبعا يا دكتور

قال الطبيب مبتسما ومشققا على حنفى

- دى حاجة صعبة قوى أنت عايش معاها إزاي دى

أجاب حنفى

- دى أمة طيبة قوى يا دكتور وجدعة

سأل الطبيب معترضا

طيبة وجدعة !

أجاب حنفي متحمسا

أى والله جدعة أجدع من مية راجل بس طول ما أنت بعيد عن لقمة
عيشها وعبالها تبقي أجدع من مية راجل ، طب يا دكتور خلى واحدة
غلبانة تقصدها فى أنبوية أو بجنيه عيش تديه لها ولو مفيش غيره ولو
لزم الأمر من غير فلوس ، أو خلى واحد يقصدها فى قرشين سلف عمرها
ما تأخر له طلب لو هاتستلف وتدى له ، طب خلى حريقة ولاخناقة ولا
حادثة تحصل فى الحتة تلاقىها أول واحدة واقفة ، طب الأعجب من كذا
يا دكتور إنى فى بعض الحالات بصادفها بتعيط وهى بتتفرج على
الأفلام القديمة بتاع فاتن حمامة وأمينة رزق وحسين رياض وعبدالحليم
حافظ وخصوصا عبدالحليم حافظ وخصوصا الفيلم بتاع مريم فخر الدين
اللى بيعمل فيه العملية ويجي خير إنه مات وإلا الحتة اللي أمة العامية
بتسمع فيها الأغنية ويقطعوها ويذيعوا خبر العملية وأمة تزعق وتقول
إبني إبني ألقى الدموع بتسح من عين أمي.

حدث الطبيب نفسه

دي حاجة عجيبة قوى !

• هي كدا يا دكتور ربنا خالقها كدا

سأل الطبيب الذي قلكنه نشوة الاستماع

• وأملك بتحب مرأة أخوك ليه ؟

أعاد السؤال حنفي لأحزانه وقال

• عشان كسببة وتششتغل معاها في العيش حضرتك هاتسأل يعني

إيه أنا هاقول ل حضرتك ، أمي ليها بنية جنية عيش كل يوم تستلمهم من

الفرن سعر الأربعة برع بدل الخمسة وأمى تبيعهم بيسعر التلاته برع

جنيه أمى تستلم العيش وتسلمه لمرأة أخويا تقعد تبيعه وترجع الفلوس

لأمى وفوقها نص المكسب.

أكمل الطبيب الوجه الثاني وهو مبتسم

• عشان كدا الناس مش لاقية العيش وكل كام يوم يجيلنا واحدة ولا

واحد متعور من الزحمة علي الأفران اللي دراعه مكسور واللي طحاله

مفرقع واللي متخاف علي الدور ودماعه مفتوحة بس ليه الحكومة

ماتزودش الدقيق والناس ترتاح والعيش يتوفر وما يبقاش فيه مجال

للعب ؟

منع حنفي ضحكته وهو يقول

• ما هي يتزوده ويتوع الأفران ببيعوه في السوق السودا ويكسبوا

في الشوال خمسين جنيه

تسائل الطبيب

. والحل ؟

أجاب حنفي بدون أن يكتم ضحكته

. لاتكون من البهوات أو من الأعيان والعيش يجي لبهايمك لحد

الشونة ، يا تشتري عيش من عند أمي ، ياتقف في الطابور نص يوم ،

ياتشوف لك بلد تانيه

ضحك الطبيب قائلا

. أنا م البلد دى .. ماشي يا عم حنفي لو عوزت عيش هاقول لك

تجيبهولي من عند أمك ، وليه مراتك ما بتشتغلش معاهم عشان أمك

تحبها ؟

غلف الإنكسار ضحكة حنفي وهو يقول

. عامله شيخه ويتقول حرام مع إن مرأة أخويا الذهب في إيديها لحد

كوعها ودايما هايبسة وعايقة ولايسة رغم إن سامية شكلها أحلي منها

ألف مرة طب تعرف حاجة يا دكتور مرة أمي قالت لمراتي مفيش عيش

ليك أنت وجوزك اطلعي اشتري عيش وراحت الغلبانة وقفت في الطابور

لحد قرب الظهر والواد علي كتفها ورجعت وإيديها فاضية وقعدت أمي

هي والعاقبة يصحكوا عليها لحد ما المكسينة انفطرت من العياط لحد ما
جيت، ورحت أعتب علي أمي أمي قالت لي مراتك خاييه ومش هاتنفحك
سيبك منها وأنا أجوزك بت تأكلك الشهد زي مرأة أخوك ما هي مهنياه
وحلفت لي يمين إنها تجوزني في ظرف أسبوعين ، بس أنا مارضنيش
وقلت لها أنا ماشوفتش حاجة وحشة من سامية ، مصمست شفايفها
وقالت ولا شوفت منها حاجة حلوه يا عين أمك ، قلت لها يامه أنا ما
أعرفش أستغني عن سامية دي مؤمنة وطاهرة ، قالت لي يعني إحنا
اللي نجسين وكفره ، يامتعوس روح خليها تنفحك أخلق شني إن عمرك
عجنت بإيدك ولا إتقدمت خطوة ورجعت تدحلب وتقولي يا متعوس أنا
عاورده مصلحتك دي مفيش منها فايده ، قلت لها يامه هي قصرت في
حاجة؟ قالت لي طب أقول لك حاجة إيه رأيك لو جينا لمراتك قصعة
وشوية فحم وقد قيراط دره وقعدت قدام البلوك تشوي واهي لاهاتروح
شمال ولايمين وتساعد وتتودك ، قلت لها حاضر وقلت لسامية قالت لأ
أنا ماقعدش ملطشة في الشارع لقلة أدب الرايح والجاي ، قمت ضربتها
ودي كانت أول مرة في حياتي إيدي تنمد عليها وكنت بضربها وإيدي
هاتتشل وقلبي بيتقطع هو فيه حد مانفسوش مراته تتكن في داره بس
أنا قلت شغلة خفيفة نرضي بيها أمي بس يومها ضربتها جامد قوي

والمسكينة ما حاشتش إيدي وما كانتش غير عمالة تعيط وتقول حرام عليك يا حنفي حرام عليك يا حنفي رينا يسامحك يا حنفي وما سيبتهاش يومها غير لما قالت هاعمل اللي أنت عاوزه هاعمل اللي يرضيك يا حنفي وقعدت المسكينة في وسط الدخان قدام القصعة من العصر لنص الليل ورجعت بالدره يمكن زي ماهو وتاني يوم كذلك وتالت يوم كذلك لحد أمي ماسوطت وقالت الحكاية كذا هاتقف بخسارة ودخلتها وطلعت العايقة وقعدت العايقة تغمز للي رايح واللي جاي وتنده وتقول الملهلب ، الملهلب للملهلب ، دره الجبابب الملهلب ، كلوا علي السرير أحسن من الحمام يا ملهلب ، مفيش ساعتين تلاته كانت بايعه قيراط الدره وداخله وأمي شاطط والشقة قادت حريقة وحيا الله سامية ما هي بايته فيها وش الشوم وش الفقر الخروبية وسمعتها كلام من المتنقي وفرجت عليها الإيواء كله سامية مشيت من هنا ومسكتني أنا وحيا الله لأنني مطلقها ومراتك خابية ومش هتنفعك وعمرك ها يروح هدر يا متموس دا حتي العيل اللي جابتهولك طلع أهبل و... اندفعت العبرات من عيني حنفي فتلقاها بيديه وغطي وجهه وانخرط في بكاء اهتز له جسده كله وقلوب الحاضرين وانطلقت الكلمات واللمسات مختلطة من الجميع حتي الجالسة - وحد الله يا حنفي -

. كل مشكلة وليها حلال يا بني
. عيب دا دي مش عماديل رجاله
. احمد رينا يا بني
. يا بني صلى على النبي
. ماتبقاش عيل بقي
. يا أخى أنت مش مؤمن وحد بالله يا جدع
وردد من بين دموعه وتشنجاته
. لا .. الله الا الله اااااااااا
. صلى الله
. الحمد لله .. الحمد لله
وقاسك قليلا وقال
. حتى أمي بتعايرني
وزادت حدة بكاءه وعلا نحيبه
وتدخل المسعف الضخم وهز حنفي هزات عنيفة في كتفيه وجذب يديه
ونظر في وجهه قائلا:
. عيب خليك راجل أنت هاتميل دا أنت طول عمرك زي الجمل عيب
إحنا في شغل عيب الدكتور بيتحيل عليك عيب عشان خاطر الدكتور.

وسلمت الورقة التي انتهت عند هذا القول للحاج صبرى فسلّمها
بدوره للكبير الذي أزعجته الهمسات التي ترددت بين المتحلقين وانحنى
الطبيب على المصرى وهمس فى أذنه
- بطل كلام ياعم مصري

فلقد كان هناك صراع يكاد يمزق الطبيب بين حنفي المنهار وحديث
المصري الذي يود سماع نهايته والذي خرجت علاقته به عن العلاقة
المعتادة بين طبيب ومريضه بل وأصبح يتمنى أن لا يفيق المصري قبل أن
يكمل حكايته وتأكد لديه أن هذا الرجل قد يكون أكثر وعيا من كل من
حوله بل وتأكد لديه أن المصري لا يحتاج علاجاً قدر ما يحتاج واقعا
مختلفا ، أما حنفي فدموعه كطوفان يجرف كل الجالسين لمناطق من الألم
والقلق والمرارة ويحطم كل جسور الفردية التي بناها كل منهم هل اتركهم
هكذا يتصارعون بعد موتى ليستغل المفرضون الفرصة وينقضوا علي
كرسي الحكم ويضيع ما فعلناه وأنجزناه طوال هذه السنوات هباء ؟
أجاب المستشار بابتسامة حكيم

- حاشا لله يا جلالة الإمبراطور بل سنجد الحل الذي يضمن لكل منهم
امتيازاته حال وفاة جلالته أطال الله عمر مولاي وبالتالى لن
يتصارعوا.

قال الإمبراطور

هل أصدر أمرا إمبراطوريا بتحديد اختصاصات كل منهم وسلطاته
فإذا اختير منهم ولي واحد للمعهد فإنهم يكونون قد ضمنوا اختصاصاتهم
وسلطاتهم وبالتالي لن يتصارعوا ؟

قال المستشار

فكرة رائعة يا جلالة الإمبراطور حفظ الله ذكاء مولاي للإمبراطورية
ولكنهم يا مولاي لن يوافقوا
لما ؟

قالها الإمبراطور وأجاب المستشار

لأنهم سيخشون إن أصبح أحدهم إمبراطور أن يصدر أمرا
إمبراطوريا يلقى به الأمر الذي ستصدره جلالتهم .

قال الإمبراطور

إذن لنجعله نصا دستوريا فلا يستطيع الإمبراطور القادم تغييره

قال المستشار بنفس الابتسامة

أطال الله عمر مولاي الإمبراطور إنها فكرة جميلة هي الأخرى

ولكنهم لن يوافقوا

قال الإمبراطور

لما لمن يوافقوا على هذه أيضا ؟

قال المستشار

- إنهم يا مولاي يعلمون أن تغيير الدستور يستلزم موافقة مجلس الأمة ويعلمون أيضا أن الناس على دين ملوكهم وبالتالي فهم يعلمون أنه لو تولي أي منهم الإمبراطورية فلن يصعب عليه تغيير الدستور وخصوصا أن مجلس الأمة لدينا لا يختار بانتخابات ديموقراطية حرة.

قال الإمبراطور متفعلا

- إذن لنجعلها انتخابات حرة الكاميرا ومن خلفها ومن داخل التليفزيون ومعظم من أمامه الكل أصبح حابيا بقدر أو بآخر بإرادته أو بدون إرادته ، وبعد أيام بدأ أولياء العهد في تولي المواقع الهامة في الإمبراطورية فمنهم من تولي رئاسة مجلس الأمة ومنهم من تولي قيادة الجيش ومنهم من تولي رئاسة الحرس الإمبراطوري ومنهم من تولي وزارة النفط وآخر لوزارة الخارجية وغيره للداخلية وسواء للتعليم وخلافه للصحة والخامس عشر للزراعة والسادس عشر للثقافة والسابع عشر للصناعة والعشرين للتجارة والحادي والعشرين للمالية والثاني والعشرين للاقتصاد.

وبدأ كل ولي للمهد في ممارسة مهامه ولأن أباهم واحد وأمهاتهم شتى فقد بدأ الصراع بينهم مبكرا وأحاط كل ولي عهد نفسه بأتباع يكون ولائهم له وحده ، ودس كل منهم الجواسيس على الآخرين ، وحاول كل ولي للمهد استقطاب أكبر عدد من الصحفيين والمثقفين ووجهاء

القوم ، وزاد الصراع بينهم علي المال ، وأصبحوا يتباهون بعدد السيارات والقصور والطائرات والمنتجعات والشركات والمليارات ، وعندما بدأت صحة الإمبراطور في الزوال وزادت أزماته الصحية وزاد زواره من الأطباء وتعددت الجرعات والجراحات والجلسات زاد الصراع بين أولياء العهد وأصبح علي أشده حتي أن الإمبراطور وهو علي فراش الموت أضر أن يرسل لمستشاره المقرب والذي عاد منذ زمن القلب كبير المستشارين ليسأله عما يفعله لكي يضمن عدم تصارع أولياء العهد بعد وفاته ، وخصوصا أنه اجتمع بهم ليختاروا من بينهم وليا واحدا للعهد ويصبح الباقيون أمراء إلا أنهم رفضوا ذلك وأصر كل منهم أن يصبح هو ولي العهد ولما قرر هو أن يختار من بينهم وليا للعهد تراجع عن قراره عندما نما إلي عمله اتفاقهم على التريص بولي العهد أيا كان . وجلس المستشار علي كرسيه نفس الجلسة التي جليها منذ أكثر من عشرين عاما ليضع نظرية الحبة وبنفس الثقة والهدوء وبشعره الذي اشتعل شيبا وبالمخطوط التي تركتها علي وجهه الأيام المكائدة والمؤمرات والتشبيث بالكروسي طوال هذه السنوات ، ويعد أن استمع طويلا لشكوي الإمبراطور بدأ حديثه الواصل دائما

يا جلالة الملك إن صراع أولياء العهد شئ طبيعي فأمهاتهم شتي وأي محاولة لتقريب وجهات النظر بينهم لاختيار ولي عهد واحد ستبوء

بالفشل .

قال الإمبراطور بيأس

استد الطبيب بيده علي كتف حنفي وقام رابطا علي رأسه في حنو
ويخطوات متثاقلة انحنى علي المسجي وقال

- إيه يا عم مصري إدوك ورقة ثانية ولاخلصوا علي كدا ؟

وتحدث المصري فقال

تجاهل الكبير الرد علي الهمسات والابتسامات الصادرة من المتحلقين
حولي وسارع بإعطائي ورقة وهو يقول
- ياله يا بني خلينا نخلص هانت أهه
وتناولت الورقة فكان بها

صفحة رقم (٨)

وبالتزامن مع استخدام وسائل الإعلام للحبو كمشية رسمية يتم عمل
حملة إعلامية تشمل مقالات وتحقيقات وندوات ومناظرات وتحليلات
وأفلام وثائقية وزوائية عن الحبو كطريقة لممارسة الحياة وبعد نهاية هذه
المرحلة يتم التأكد من أن كل من يشغلون مناصب ومراكز حساسة في
الإمبراطورية من الحبة أي فرد في أي وظيفة هامة إلا إذا أكدت الأجهزة
السرية للإمبراطورية أنه من الحبة بل أن أهله وأقاربه ليس منهم أحد له

علاقة من قريب أو بعيد بالمنتصبين علي أقدامهم الراضين للحبو عند
وفي هذه المرحلة سيكون الحبو قد تأصل وأصبح تهايبا إذ سيكون
الطريق الوحيد المضمون للوصول للمناصب والوظائف الهامة وإذا بقيت
قلة معترضة عليه فإنهم يجب أن يهشموا وإذا تسببوا في أية قلاقل
يسجنون .

وهكذا يا سادة أهل المجتمع وأعد جيدا لاستقبال ولاية العهد الحباة
بطبيعتهم ، فبعد عشرين عاما كان ليرى فيهم أولياء العهد سوي صور
في الجرائد والمجلات . كان قد أذيع منذ أكثر من عشرين عاما أن ولاية
العهد تم تسفيرهم إلي الخارج لينهلوا من علومه وآدابه حيث سيروكل
إليهم مهمة تطوير الإمبراطورية عقب عودتهم مباشرة . ظل علينا ولاية
العهد عبر التلفزيون في عيد جلوس مولانا الإمبراطور وقد توسطهم
أباهم ومن خلفهم المستشار وكبار رجال الإمبراطورية والجميع جالسون
كالقرود ، وكان الحفل كله من الحباة حتى الفرقة الموسيقية ، فعازف
العود وضع عوده علي الأرض وانكفز عليه وقد ارتفعت مؤخرته ،
وكذلك عازف البيانو ، والكمنجات جلس عازفوها علي مؤخراتهم
وامسكوها بقدم ويد ، أما المطرب الشهير فكان يغني وهو يقفز علي
المسرح كالقرود وقد علق الميكرفون برقبتة . كان الكل حباة من أمام

كانت الثمالة الباقية من كوب الماء الذي أجبروا حنفي علي شربه نقطة
في بحور الأحزان التي ترسبت في قلوب الجميع وأغرقت كل أشرعة
المواساة بداخلهم إلا أن المجالسة التي يبدو أنها خبرت السباحة في هذه
البحور كانت أول من وصلت الي الشاطئ. فمدت لحنفي الطوق قائلة.

- هو أنت عندك عيال غيره يا بني ؟

تعلق حنفي بالطوق قائلاً

- لا يا حاجة

جنبتة وهي تقول

- من زمان مراتك ما حملتش ؟

سبح حنفي للشاطئ قائلاً

- من يبجي خمس سنين يا حاجة

احسنت انه كاد يصل للبر وهي تقول

- إحمد ربنا يا بني يمكن لو حملت كان طلّع زي أخوه

قال حنفي الذي وصل لتوه إلى بر السكينة

- حمدينه يا حاجة حمدينه وله ألف شكر والله يا حاجة أنا كنت

بصادف سامية وهي في عز الليل عمالة تبص في وش الواد وهو نايم زي

الملايكة وتعيط أقوم أزعم لها وأقول لها إحمدي ربنا وأهديها ولما تنام

أدى وشى للحبيطة وأقعد أعبط.

وصل الطبيب ومعه المسعف الضخم أخيرا للشاطئ حيث قال

. هي مراتك قريبتك يا حنفى ؟

أجاب حنفى ومازالت آثار الدموع ترسم حاجزا شفافا فى عينيه

. لا يا دكتور

سأل الطبيب

. ولا بتأخذ أى موانع للحمل ؟

أجاب حنفى بعدما أزال الحاجز بيديه

. دى حاجة من عند ربنا يا دكتور

سأل الطبيب

. ومعرضتهاش على دكتور ؟

أجاب حنفى وقد ملأه دغء التفافهم حوله

. عرضتها وقالوا مفيش موانع للحمل

ابتسم الطبيب الذى أسعده الدغء فى كلمات حنفى وسأل

. وعرضت نفسك على دكتور ؟

أجاب حنفى مبتسما

. مفيش أى موانع للحمل

ضحك الطبيب والجالسة ولكز المسعف الضخم حنفي في كتفه وهو
يقول أنت ها تنكت يا متعوس
قال حنفي

من غلبي يا أبو جاسر من غلبي
جفت بحور المرارة تماما فعاد الطبيب إلى نهمه وسأل مبتسما
أمال إيه حكاية أمك اللي اتجاوزت حداث ولا اتناشر ؟

أخرج السؤال الجالسة خجلي من الحوار وأخرج الكلمات من فم حنفي
الحكاية يا دكتور من الأول إن أمي وارثة حكاية الدلالة أما عن ست
أمي دلالة وخالاتي كلهم دلالات وأمههم دلالة وستهم دلالة.إنما الرجاله
شغلتهم بيجيبوا البضاعة ويحرسوهم وهما بيعوها وأخر اليوم يلما الإيراد
ويلموا الحریم ويروحوا ، وأمي يمكن من ساعة ماوعيت علي الدنيا وهي
شغالة الشغلة دي لحد خراط البنات ما خرط أمي وأمي خدت نصيبها
كامل من الحلوة.وكانت حلوة حلوة قوي.هي مشكلتها الوحيدة في
صوتها.رجالي قوي مش عارف هي اتولدت بيه كذا ولاكثر الزعيق هو
اللي خلاه كذا.ومع إن أبويا معاها في السوق وهما عيال صغيرين إنما
باين خراط البنات بيعدي يخرط البنات بالليل زى ما بيقولوا ، أبويا
فجأة لقاهما شابة زى القمر قدامه برج من دماغه طار وطار وراها مكان ما

تروح وخناق وعراك وعتاب من جدى أبو أمى لجدى أبو أبويا وانتهى
العتاب بقراية الفاتحة وشهر وكانوا متجوزين سنة وكنت شرفت وأمى
خدت مكان ستى وأبويا خد مكان جدى.بقى هو اللى بيحب البضاعة
وأمى هى اللى تدلل ، وأبويا رغم إن كان جسمه ضعيف زى إنا كان
عصب وكان يشيل الرجل قده خمس مرات ويخبطه فى الأرض.وكانت
فلوسه كتيرة وكان بيصرف على كيفه ومزاجه وسهراته بجنان وفى ليلة
كان متقل العيار قوى وجه من السهرة علق الحمار فى العربية وراح
يجيب شوية بضاعة من الجمعية بتاعت التموين حكم أمين المخزن كان
بيبيع الحاجات دى قبل الفجر عشان محدش يشوفه.والمخزن كان ورا
السكة الحديد.والشجرة كانت طابقة للأرض.أبويا حمل شوية البضاعة
ومروح وقعت منه كرتونة على السكة الحديد رجع يجيها قطر الفجر
هرسه ، ومن بعدها أمى بقت تستقضى البضاعة وتحرس وتدلل وتربي
بقت تعمل كل حاجة وعدى سنة وأمى الهم تقل عليها دورت على راجل
يحميها ويساعدها اتجوزت أبو مصطفى أخويا وأبو مصطفى كان طول
بعرض ويخوف سوق بحاله قعدت معاه سنتين جابت منه مصطفى
وتوكل على الله هو راخر .

• مات ؟

سأل الطبيب بطفولية

وأجاب حنفي

- لا إيلم على واحدة مريشة وساب أُمي وإينه وغرق في العز

سأل الطبيب

- وأمك عملت إيه ؟

أجاب حنفي

- المرة دي ماضيعتش وقت إطلقت بعد فضيحة وماعداش يدوب أربع شهور وكانت متجوزة راجل كانت إيد طارشة كان يضربني الكف أنزل أدور علي قروش في الأرض وأنكش التراب بإيديه أُمي عشان تلمه عني دخلتني المدرسة وقعدتني عند ستي لحد ما سافر علي العراق أيام ما كان فيه عراق وهناك ربنا أنتقم لي منه ومفيش سنة أو ما يكملش وجالها خبره قال ايه الزبون من أول ماراح راقد عند حرمة من حريم العراق في شارع معرفش إسمه ايه شارع بطل يعني حكم بيقولوا إن المصري عند العراقيات فاكهة لحد ما جه بلطجي غيره زاحه وقعد مكانه جوز أُمي ما سابوش لبد له في الضلمة ودبحه زي الخروف و الخروف كان كردي والأكتراد هناك زي الصعايدة هنا مايسبوش تارهم أبدا ، لفوا عليه العراق كله لحد ما مسكوه عند حدود الكويت هو وواحد صاحبه وهما

بيهرىوا ، ركنوا صاحبه ودهبوا جوز أمى ، وإدبروا علي صاحبه ضربه
علقة موت رقد فى المستشفى ست شهر ورجع معاه الحبيبة والخبر الأسود
علي دماغ أمى ولحد كذا يادكتور أمى كانت مدوية ثلاث رجالة فى قن
ستين ومعاهم كان داب جدودي لاتنين وستي أم أمى ، وأمى ماعدتش
طايفة نفسها وبقت بتحانق دبان وشها وكل يوم فى المركز ومن المركز
للنيابة وقضايا ومشاكل مع خلق يامه لحد أمى ما إتلمت علي واد كان
كاتب محامي والواد ده كان فلسطينى بس بحق ربنا كان واد يسوي
مديرية كان ذكي وجدع ومتنور وعارف الدنيا ما شيه إزاي ويقعد معاك
يفهمك الدنيا دي ماشيه إزاي والأمريكان عاوزين إيه والروس غرضهم
إيه واليهود عملوا إيه وبيعملوا إيه وهايعملوا إيه وكان يشخط فى أمى
الشخطة برعبها وكان واد قمحى وعيونه كحيلة وراجل بحق راجل لأمم
أمى وشاكها، وماعدش مشاكل ولاخناق ولاقضايا و...

قاطعها الطبيب الذي شده الوصف

إوهي تقولي مات راخر ؟

أجاب حنفي

ما ماتش بس بردوا ماصحيش

سأل الطبيب

- إزاي بقى ؟

أجاب حنفي

- جه في آخر أيامه معانا وإتغير وبقى سرحان وعنيه بتنقط حزن
ولاعاد بيضحك معانا ولا مع حد ولا عاد بيشخط وقعد من شغله ومفيش
غير نفخ وسيجارة من ورا سيجارة ولا عاد بياكل ولا يشرب أمي سأله
أنت عيان يا أخويا ولا حاجة ؟ فيك إيه يا خويا ؟ أنت الفلوس مقصرة
معاك ؟ طب فيه حد مزعلك ؟ تكونش زعلان إن رينا ما إدناش عيال
لحد دلوقتي ؟ ياخويا ما قلت لك روح لدكتور أنت قلت لي عيالك هم
عيالي ، دا حتي العيال بيقولولكش غير ياها ، وبعد محاولة ومناهدة
وعياط أيام وليالي قال إنه أهله واحشينه قوي وإنه ماعدش قادر يصبر
علي فراقهم وإن علوز يروح يشوفهم.

- في فلسطين ؟

سأل المسعف الضخم

وأجاب حنفي

- شويه منهم في مخيم في بيروت وشويه في سوريا وشويه في

فلسطين

- ودا كان هابروح لهم إزاي ؟

سأل المسعف الضخم

وأجاب حنفي

- قال إنه هاسافر لبنان يقعد شوية عند اللي هناك ويعطين يروح
دمشق يزور اللي هناك ويرجع الجنوب اللبناني يتسلل لإسرائيل ومن
هناك هايروح عند أهله

سأل الطبيب

وأجاب حنفي بحزن

- راح

- وعرف يتسلل ؟

سأل الطبيب

وأجاب حنفي

- ما أعرفش يا دكتور اللي أعرفه إنه بعد ماركب المركب للبنان
بيومين ثلاثة إسرائيل بقت هي ولبنان حنة واحدة اليهود إحتلوا لبنان
وهو ؟

سأل الطبيب بتأثر

وأجاب حنفي بحزن

- مانعرفش عنه حاجة من ساعتها لانعرف مات ولا عايش ولا اتسلل
ولا اتمسك وإن كان مات مات في لبنان ولا في سوريا ولا في

فلسطين وإن كان عايش عايش فين وإن كان اتمسك اتمسك فين كل
اللي نعرفه إننا مانعرفش عنه حاجة من ساعتها.

- وأملك ؟

سأل الطبيب

وأجاب حنفي

- واستنت سنة كانت طول الليل تتقلب وتنفخ وتدعى إن ربنا يجيبه
بالسلامة وبعد السنة بسمعها بتتقلب في السرير وتنفخ وتلعن أبو
اليهود وبعد كام شهر بقت بتلعن أبو فلسطين وأبو العرب وأبو المصريين
اللي ما حدش منهم ملا عينها وإيجوزها بدل الفلسطيني
- ويهدين ؟

سأل المسعف الضخم من خلال ابتسامته الفاحشة

وأجاب حنفي موجهها حديثه للطبيب

رفعت قضية واطلقت غياي بعد ما عدا أربع سنين غيايه كانت فيهم
رجعت أقطع من الأول ثاني وعدت الأيام وكل كام شهر تتلم علي واحد
وتتجوزه وبعد كام يوم ولا كام أسبوع ولا كام شهر بالكثير ترجع لوحدها
ثاني لحد ما بقيت من كترهم مش عارفهم وكنت كهبرت وخلصت
الإعدادية واتفضت من الديبلوم واتحملت عليها كثير تسببها من الكلام
ده كانت تقولي وحياة أبوك دا حلال ربنا وإن كنت بتدفع لي حاجة ما
تدفعهاش لحد ما سمعتها بتتكلم مع العايقة وكنت نايم صاحي في

أوضتي والعايقة بتسألها ألا يامه أنت بتتجوزي كثير كدا ليه وما
اتكتيش مع واحد من اللي أنت بتبدلي فيهم ليه قالت لها يابتي هو أنا
بخطري يابتي دا يوم المنى عندي بس يابتي رجاله اليومين دول ماعدوش
رجاله هو الفلسطيني لو كان يرجع..

سأل الطبيب محاولا تغيير الموضوع وقد علتة حمرة الخجل
- ولما هي معاها فلوس كدا ما بتكديش فلوس تاخذ شقة ليه وتنشبت
بدل ما أنتم عايشين ثلاث أسر في شقة إيواء أوضتين وصالة ؟

تدخل المسعف الضخم وهو يضحك بفحش

- ما هي خايفة لو خلصت فلوسها ما تلقيش رجاله

رد حنفي بغضب وقد انتفض واقفا

- ما تحترم نفسك يا جدع ، أنت من أول ما قعدنا عمال تدلده شمال

وعيين زي عربيات الزبالة كدا ليه ، أنت مش عايش مع بني آدمين ولا

إيه ؟

انفعل المسعف الضخم وانتفض واقفا وقال ويديه تكاد تلمس وجهه

حنفي.

- جرا إيه يا حنفي أنت هاتقل أدبك هو أنا قلت حاجة غلط أنت

بتزعل من الحق ليه ؟

تدخل الطبيب

- ماتقوموا تضربوا بعض أحسن أنتوا هاتنسوا نفسكم أنا اللي غلطان

أنا ايه اللي قعدني أتكلم معاكم أصلا أخرص أنت وهو وقعدوا علي جنب خلينا نشوف شغلنا.

واعتذر الطبيب الشاب للجالسة بابتسامة خجلي وتقدم حتي كادت شفتيه تلتصق بأذن المصري وقال

- ايه يا عم مصري ادوك ورقة ثانية ولاخلصوا علي كذا ؟

وتحدث المصري فقال

تجاهل الكبير الرد علي الهمسات والابتسامات الصادرة من الملتحقين حولي وسارع بإعطائي ورقة وهو يقول

- ياله يا بني خلينا نخلص هانت أهه

وتناولت الورقة فكان بها

صفحة رقم (٩)

قال المستشار منفعلا

- لا يا مولاي الإمبراطور وأعتذر أن بدأت بكلمة لا ولكن انتخابات

حرة سيستغلها المغرضون من المنتصين علي أقدامهم أعداء مولاي

الإمبراطور والإمبراطورية ليصلوا بها إلي سدة الحكم ولن يحكم مولاي

الإمبراطور ولا أولياء العهد من بعده وكما قلت لجلالتكم مرارا إن شعب

هذه الإمبراطورية لا يقدر الديمقراطية الكاملة ولا يفهم أبعادها

ومسؤولياتها وإذا أعطينا هذا الشعب الديمقراطية الكاملة فلن نستطيع

السيطرة عليه وخصوصاً أن الوعي والثقافة متدنية وبالتالي لا نأمن شر
المحرضين والمستغلين فما زال شعب الإمبراطورية لا يعلم أين صالحه
ولا يستطيع الشعب حتى الآن التفرقة بين من يريد الدفع به إلى صالحه
ومن يريد الدفع به إلى التهلكة وبالتالي فإن أفضل السبل هي سبيل
ديمقراطية المجرعات التي تتبعها الإمبراطورية قال الإمبراطور
- حيرتني أيها الداهية أرحني إن كان لديك حلا

قال المستشار

- أراح الله مولاي من أعدائه نعم يا مولاي لدي الحل والحل أوحى لي
به مولاي في سياق حديثه الرائع.
قال ذلك ونظر إلي وجه مولاه الذي أحدث فيه الإطراء نوعاً من
الترهل زادته الإبتسامة البلهاء وهو يقول
- ما هو بالضبط ؟

قال المستشار

- أن تقسم جلالتك السلطات بينهم

قال الإمبراطور

- نعم ولكن كيف ؟

قال المستشار

- بأن لا نجعل لأحد منهم سلطة على الآخر

خجل الإمبراطور من كثرة أسئلته فقال بعينه فقط

- كيف ؟

قال المستشار

- إن الله لم يرزق مولاي الإمبراطور باثنين وعشرين وليا للعهد بلا
حكمة ولكن الله يعلم أن لدي مولاي الإمبراطور اثنتان وعشرون ولاية
فأراد أن يعطيك وليا للعهد لكل ولاية أنرفض عطية الله أم نقبلها
ونكون من الشاكرين

قاطع الإمبراطور مفزوعا

- نقبلها ولكن معني ذلك أن الإمبراطورية ستقسم فور وفاتي

قال المستشار

- نعم يا مولاي يجب أن تقسم الإمبراطورية لأن الحل الآخر مر

كالعقم

سأل الإمبراطور

- وما هو الحل الآخر ؟

قال المستشار

- الحل الآخر يا مولاي أن تجري انتخابات حرة ديموقراطية في أنحاء
الإمبراطورية لاختيار ولي عهد مولاي الإمبراطور علي أن يفتح باب
الترشيح فيها لكل من يريد وليس لأولياء العهد وحدهم.

قال الإمبراطور

. ولما لاتفعل ذلك ؟

قال المستشار

. لقد قلت لجلالتكم مرارا إن الشعب لا يعلم صالحه وبالتالي لن

ينتخب أي من ولاية العهد.

انتظر المستشار حتى أحدثت كلماته الأثر المطلوب وأضاف

. إذن يا مولاي ليس هناك حل آخر فليحكم كل ولي للعهد ولايته

وليكون لها وزارة ومستشارون ومساعدون وشرطة كلها تابعة لولي العهد

الذي سيصبح ملكا علي ولايته بعد ذلك فلا يتنازع أحد من ولاية العهد

أخيه علي شيء وقد تملك كل منهم ولايته.

قال الإمبراطور

. ولكن ..

قاطعه المستشار

. هناك سبب آخر يا مولاي يوجب تطبيق هذا الحل

سأل الإمبراطور

. وما هو ؟

قال المستشار

. يا مولاي الإمبراطور إن الإمبراطورية عندما شرفت بتولي جلالتيكم

المسئولية منذ سنوات وسنوات ليست مثلها اليوم فقد تضاعف سكانها وتضاعفت معهم مشاكلهم وأعبائهم ولم يعد لفرد واحد مهما كانت قدراته أن يدير هذه الإمبراطورية وإلا سيفلت الزمام من يديه وخصوصا إن كان حديث عهد بالحكم قليل الخبرة في السياسة ودهاليزها ولا علم له بالاقتصاد وشئونهِ وبالاقتصاد ونظرياته وبالعسكرية ناهيك عن الدين ومذاهبه وفقهه وفتواه وولاية العهد يا مولاي ليس بمقدور أي منهم إدارة الإمبراطورية و لإن أخطأنا وولينا أحدهم الإمبراطورية فسوف يضيع ويضيعها ولكن إن تولي كل منهم حكم ولاية قل عدد سكانها وقلت مشاكلهم واستطاع السيطرة عليهم.

وهكذا يا سادة من لا أعرفهم ولكنني أعلم أنهم من أبناء الإمبراطورية ومن أبناء ولايتي هكذا أصبح لكل ولي عهد ولايته وبعد أن رحل الإمبراطور أعلن أبنائه الحباة أنفسهم ولاية للأمر واختار كل منهم لنفسه اسما فمنهم من سمي نفسه ملكا ومنهم من سمي نفسه أميرا ومنهم من سمي نفسه عاهلا وقزق علم الإمبراطورية إلي اثنين وعشرين علما وتشرق بعضهم وتغرب بعضهم وتقوقع بعضهم واختلفوا في كل شيء إلا في نظرية الحباة التي وضعها المستشار - رجل برحيل إمبراطوره والإمبراطورية - فطوروها ونقحوها وعدلوها ومنهجوها ومنطقوها.

أما الشعب فقد ألهى في الولايات الغنية بأحدث المواضع في

المفروشات والسيارات وأوهما الشعوب أن الولايات الفقيرة حاقدة
عليهم وتتمنى زوال النعمة من أيديهم لذا فهم لا يستحقون المعاونة
والمساعدة ولا يستحقون إلا ما هم فيه من بؤس وشقاء أما في الولايات
الفقيرة فقد ألهمى الشعب بالبحث عن طعامه وانشغل كل رب أسرة
بأبنائه كيف يطعمهم ويكسوهم ويعلمهم حتى إذا ما فني عمره وأحس
في نهاية أيامه أنه أدي ما عليه وجد أبناءه بلا وظائف وبلا مأوى وبلا
مستقبل وأوهما الشعوب في الولايات الفقيرة أن الولايات الغنية تأبى
مساعدة بل أنهم يساعدون أعداءهم بالأموال في بنوكهم
والاستثمارات علي أراضيهم وشغلوا الشعوب في كل الولايات بمباريات
الكرة وفوازير رمضان والأغاني الهابطة والبكاء علي الماضي المفقود
الذي ترغب في استعادته الولاية وحاكمها الا أن باقي الولايات ترفض
ذلك وذراً للرماد في العيون اتفقت الولايات علي أن ينشثوا داراً للندوة
بينهم وقرروا في ميثاقها أن قرارات دار الندوة غير ملزمة.
أما المنتصبون علي أقدامهم - المغرضون من وجهة نظر المستشار
الراحل - فما زالوا في كل الولايات يطاردون ويهمشون ويسجنون وإذا
ما غزا الوطن غاز أو اعتدى عليه معتد فإنهم يستدعون حتى إذا أدوا
ما عليهم وارثد الغازي وأدب المعتدي وانقشعت الكارثة فإنهم يهمشون
ويسجنون ويطاردون .

انتهت الورقة الأخيرة فسلمتها وأنا ابتسم لضحك المتحلقين حولي
الذي زاد بعد أن ضحك الشيخ ذو اللحية البيضاء وعلا أكثر
بضحك الحاج صبرى وتحول إلى حالة هستيرية من الضحك
عندما فشل الكبير في منع ضحكته وهو يقول
- والنبي حدوة حلوة دا الناس زمان كانوا متبهدين قوي :
وقال الحاج صبرى
- أي والنبي يا كبير دا الناس دلوقتي في نعمة
وأضاف الكبير
- هو إحنا شوفنا ولاهانشوف زي اليومين دول لافرود ولاغيره والناس
بيمشوا زي ربنا ما هو خالقهم.
ونسج الحاج صبرى علي نفس المنوال
- دار المفروض نصلي ركعتين شكر الله إن أحنا ما عيشناش الزمن
الأغرب اللي بيحكى عنه ده .
وعلي نفس المنوال غزل الكبير
- والنبي دا ربنا حب يعرفنا إن احنا في نعمة
وقفز سيد أبو شفتورة من وسط المتحلقين وقال
- حد يساهقني وهو بيمشي زي القرد
ضحك الحاج صبرى وقال للسيد أبو شفتورة اللي جلس علي مؤخرته

كالقرد استعدادا للمنازلة.

الواد عوض يسبقك

رد الكبير

لأ ما يسبقوش

قفز عوض من فوق كتف أحد المتحلقين في حركة بهلوانية فإذا به بجوار السيد أبو شفتورة فضحك الجميع واستعد المتسابقان للنزال وبإشارة من الكبير بدأ السباق وانقسم المتحلقون لفريقين كل فريق يشجع متسابقة بحرارة وفاز السيد أبو شفتورة واعترض الحاج صبري علي النتيجة ودفع بآخر لمنازلة أبو شفتورة واندفع ثالث ورابع وتم تقسيم المتحلقين لفريقين ووضعت إشارة لبداية السباق وأخري لنهايته وخط واضح بين الفريقين.

عندما كانت الشمس توشك علي الغروب كان الكبير والحاج صبري يتابعان والشيخ ذو اللحية البيضاء يحكم وكان كل المتحلقين قد تحولوا لمتسابقين في سباق العدو كالقرد بينما كانت السنة اللهب الصاعدة من الصندوق والأوراق تتحدي الليل القادم علي الأبواب أما الأجش فعلق فأسه علي كتفه ووضع فوقها جلبابه البالي ومضي وقد تملكه شعور بالأسى جعله يطرق أثناء سيره وعلي باب أحد الدروب النابتة من المقام توقف ونظر لهم مليا وابتلعه الدرب.

وصمت مصري وحده وبلا طلب من أحد وضحك الطبيب والمسعفان
والجالسة وتأرجع العنكبوت المعلق وقال الطبيب الذي وقف وقد تهيأ
للرحيل وقال للجالسة .

- ما تخافيش عليه صدمة وهاتعدي إن شاء الله هاتعدي علي خير..

حضرتك قولتي إنكم ليكم ولد ؟

قالت وقد عادت لحالة الحلم

- ابوه يا بني لينا لينا ولد .. ولد متعلم قوي .. وذاكي قوي ..

ومستدين قوي .. وحليم قوي .. وحر قوي .. وحازم قوي ..

وشريف .. وطاهر قوي ..

قال الطبيب

وحضرتك قولتي هو فين ؟

قالت وقد ذهبت عيناها إلي مكان مجهول عبر النافذة المفتوحة

- زمانه جي .. زمانه جي يا بني .. زمانه جي.

تمت

٢٠٠٤ / ٣ / ٣٠

الاقترب من النص الروائي «الحياة»

للكاتب الشاب سعد عبدالفتاح

أربعة رواة ينسجون خيوط الرواية .. فى خيوط متوازنة تقترب من بعضها أحياناً لحد التماس.

ويحمل كل خيط هما خاصاً يتصاعد مكوناً سحابة سوداء من اللهم العام المنتشر فى الأزمنة المختلفة ..

وفى ظل السهم العام من الاحباط والقهر والفساد .. يتفكك تماسك المجتمع وقوامه الاساسى ، يبحث كل فرد عن الخلاص الشخصى الذى يزيد من حدة الضياع وتفتت المجتمع.

واستخدام الخطوط المتوازية فى صالح العمل ، حيث تخدم فكرة الهم العام المسيطرة على العمل من تكثيف وتركيز

المساحة الزمنية للقص ليلة واحدة هرب منها القمزم والمكان واحد ومغلق ، منزل اسمتى شامخ ومميز بين بيوت طينية وفقيرة

والشخصية المحورية الرمزية .. «المصرى أصيل عبدالوارث» يتميز بانه القارئ الوحيد فى القرية ، يرتدى جلباباً أبيضاً ، نحيل وطويل

مثل نهر النيل ينحرق أرض مصر .. بشرته سمراء كأرض الوادى ، عمل فى جميع الوظائف الحقيقية

والمنتجة ، يمضى ويقاوم الفقر والشقاء والقهر.

عندما شاهد الأمريكان فى العراق ، صرخ « قتل هارون والدور على أنا ومعاوية » والدلالة واضحة ثم ارقى وقال دثرينى وزملىنى وهو اقتباس مقبول من القرآن ، وإشارة واضحة للدخول فى حقبة جديدة من الهيمنة الأمريكية وسياسة القطب الواحد ، وضياح الهوية العربية. ومعاول الهدم قديمة ولو بحجه هدم ليكون أعلى وأضخم وأعظم من مقام الست السابعة المجهولة ومعاول الهدم لا يقابلها بناء حقيقى بدليل أن المسجد لم يبنى مرة أخرى وبذلك فقدنا قيمة الذين آمنوا وعملوا الصالحات وهى أية تكررت بأصرار فى القرآن أكثر من ست وخمسين مرة الايمان يرتبط بقيام العمل النافع والايمان جزء كبير من الهوية العربية فإذا ضاع وطمس تاه الجميع.

فقراء القرية .. يهدمون المسجد طمعا فى كسرة الخبز حتى أن من عثر على الصندوق أثناء الحفر ارقى عليه وادعى ملكيته ، وتحرك الحرمان عند الآخرين ، ووصل الامر لحد القتال وفتح الصندوق امام الجميع لعدم الثقة فيما بينهم.

وكان بالصندوق أوراق صفراء ، أصيبوا بالاحباط واليأس لان المدون بالاوراق تاريخ الملوك والحكام ، وليس تاريخهم ، وقد شبعوا شعارات ووعود.

وكان دور المصرى القارئ الوحيد هو ، والترحال فى التاريخ القديم
حيث سيطرة الحاكم العقيم وكل تفكيره لمن يترك هذا الملك والجاه والثروة
وهو عقيم لاورث له.وهو امر متكرر عبر التاريخ ، الحاكم والبطانه من
حوله الفئة الباغية والظالمة والتي تملك كل شئ . الشعب المهمل الفقير
يعيش فى غيبوبة تحت شعارات براقه ووعود بالوهم

ويسخر كل شئ من أجل علاج الحاكم حتى ولو باستخدام السحر
ودماء القروء ، وتفتت الدولة إلى اثنين وعشرين ولاية ضعيفة ، تحارب
بعضها البعض وتستعين بالقوى الخارجية التى تساعد وتلتهم الولاية أو
تتحكم فى مصائرها.

وتصوير عقم الحاكم ، ثم محاولة بأى ثمن وأى طريقة وتأتى الولادة
الغير طبيعة لولاية العهد انهم حبة مثل القروء يسرون على أربع . ثم
بالترويع والترغيب مرة والقمع والترهيب مرة أخرى يتحول البطانة حول
الحاكم اختياريا الى حبة ولكن المنتصبون من الشعب يقاومون الركوع
والاستسلام ويهربون إلى الجبال والكهوف اذا ضاق بهم الحال وعند الخطر
نجد الحبة يستعينون بالمنتصبين للدفاع عن الوطن

هى صور ذات دلالات قوية فى خدمة الفكرة العامة للعمل .المحور
الرئيسى الممتد من القدم الى الحاضر الملى بالاحباط واليأس والمستقبل
الأملى مع صور الرجل « المصرى » المسجى على فراشة ومسكاً بيد

زوجته - الأصل والارض - يبحر فى عينيهها - رحلة الفراق والمغادرة - تحب
المرأة على سؤال الطبيب هل لكما أنها تقول :
ولد متعلم قوى ، وذكى قوى ، متدين قوى ، وحر وحازم وشريف
وطاهر ، زمانه جى .. زمانه جى.

وراوى الخط الثانى ، الدكتور ، يقدم الماض الغريب والحاضر فهو
طبيب اسعاف قرود لا يستطيع أخذ اى قرار دون الرجوع على اساتذة ،
عايش الهزيمة فى تساقط أصدقاء ابيه وانفصام الجيل بين طموح الثورة
والشباب والشعارات الزنانة والواقع المهزوم والمغامرات العسكرية الغير
محسوبة

احد أصدقاء ابيه قتل فى اليمن . وثلاثة ضاعوا فى سيناء من اثر
قرار انسحاب عشوائى وحينما عاد واحد من الثلاثة عاد مشرد العقل
وأطلق لمحيته وعندما طالت ذهب يحارب فى افغانستان يحارب
السوفيت بالسلاح الامريكى تحت أشراف المخابرات الأمريكية ، ونفقة
أموال البترول العربى وحكاية الشيخ سلامة طالب الصيدلة المتفوق إلى
أن اختلطت عليه الأمور واهاب لنفسه الولاية.

وبذلك تكون العلاقة هشه وضعيفة بين ابناء هذا الجيل وتساقطهم
فى الوهم وخدمة المشروع القومى الكبير المحارب من الداخل والخارج .
ومع الفشل المتواصل ، والتكسات المتواليه ، وعدم القدرة على

العمل الصالح الفعال كان غياب الايمان، وانتصار وانتشار الخرافة
والسحر والغيبيات وهو الخط الثالث الذى يحكيه الشيخ طه وهزيمة الجن
اليهود والملاعين ، طالما لانستطيع هزيمة اليهود من البشر.

وطالما فشلنا فى العمل الصالح ، قليكن النزم فى العسل القاتل
والركون فى إلى الخرافات والأوهام التى تريح العقل . وتشغل الناس
بالتافه من الأمور.

وفي غياب المشروع القومى الحقيقى كانت الحلول الفردية الهامشية
ولو على حساب مصلحة المجموع من الشعب وهو الخط الرابع ويقدم
حنفى وتمثل الوقت الحالى المعاش.

حنفى العاجز المحاط بالفقر بين الام الدلالة التى تكسب من اعادة
بيع الاشياء من رغيف الخبز الى اسطوانات واسطوانه الغاز .

واغراق الام الدلالة فى الزواج والملذات والشهوات الحسية الفجة
دلالة على عدم وعيها .. وكل حرصها على كسب المال بأى طريقة
لتحقيق رغباتها.

والخطوط الاربعه يحمل كل منهم السهم الخاص به ، يتبخر يتصاعد
مكونا سحابه سوداء من الهم العام تحجب اشعة الشمس وتجعلنا نعيش
فى عصور من الظلام .

الناشر
دار النيل

للنشر والطبع والتوزيع

١٢ شارع عبده بدران

م الباشا - المنيل

ت : ٣٦٢٢٥٧٨

رقم الإيداع بدار الكتب ٢٧٨٩ / ٢٠٠٥
الترقيم الدولي للدار 4-60 - 5243 - 977

حقوق الطبع محفوظة للمؤلفين